



An Bhruiséil, 12 Iúil 2018
(OR. en)

10714/18

**Comhad Idirinstitiúideach:
2017/0145(COD)**

CODEC 1213
DAPIX 220
DATAPROTECT 146
ENFOPOL 364
EUROJUST 89
FRONT 212
VISA 176
EURODAC 12
ASILE 48
SIRIS 83
CSCI 101
SAP 19
COMIX 376
JAI 725
PE 93

NÓTA FAISNÉISE

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE maidir leis an nGníomhaireacht Eorpach chun bainistiú oibríochtúil a dhéanamh ar chórais mhórscaála TF sa limistéar saoirse, slándála agus ceartais, agus lena leasaítear Rialachán (CE) Uimh. 1987/2006 agus Cinneadh 2007/533/CGB ón gComhairle agus lena n-aisghairtear Rialachán (AE) Uimh. 1077/2011 – An toradh ar chéad léamh Pharlaimint na hEorpa (Strasbourg, 2 go 5 Iúil 2018)

I. RÉAMHRÁ

Chuir an rapóirtéir, Monica MACOVEI (ECR, RO), tuarascáil ina bhfuil 107 leasú (leasuithe 1 -107) ar an togra le haghaidh Rialacháin i láthair thar ceann an Choiste um Shaoirsí Sibhialta, um Cheartas agus um Ghnóthaí Baile.

I gcomhréir le forálacha Airteagal 294 CFAE agus leis an dearbhú comhpháirteach maidir le socrúithe praiticiúla do nós imeachta na comhchinnteoireachta ¹, bhí roinnt teagmhálacha neamhfhoirmiúla idir an Chomhairle, Parlaimint na hEorpa agus an Coimisiún ar mhaithe le teacht ar chomhaontú maidir leis an sainchomhad seo ar an gcéad léamh d'fhonn an dara léamh agus idir-réiteach a sheachaint.

Sa chomhthéacs sin, cuireadh síos leasú comhréitigh amháin (leasú 108). Is le linn na dteagmhálacha neamhfhoirmiúla dá dtagraítear thuas a comhaontaíodh an leasú sin. Níor cuireadh leasuithe ar bith eile síos.

II. VÓTÁIL

Ghlac an seisiún iomlánach an leasú comhréitigh (leasú 108) ar an togra le haghaidh rialacháin ag an vóta a caitheadh ar an 5 Iúil 2018.

Is é atá sa togra ón gCoimisiún mar a leasaíodh é agus sa rún reachtach seasamh Pharlaimint na hEorpa ar an gcéad léamh². Léirítear ann an méid a comhaontaíodh idir na hinstiúidí roimhe sin. Dá réir sin, a luaithe a bheidh bailchríoch curtha ag na saineolaithe dlí/teanga ar an téacs, ba cheart go bhféadfadh an Chomhairle an seasamh ó Pharlaimint na hEorpa a fhormheas.

Ar an gcuma sin, ghlacfaí an gníomh san fhoclaíocht a fhreagraíonn do sheasamh na Parlaiminte.

¹ IO C 145, 30.6.2007, lch. 5

² Leagtar amach téacs na leasuithe a glacadh agus an rún reachtach ó Pharlaimint na hEorpa san Iarscríbhinn. Cuirtear na leasuithe i láthair i bhfoirm téacs comhdhlúite agus léirítear athruithe ar an togra ón gCoimisiún i gcló trom agus i gcló iodálach. Léirítear téacs a scriosadh leis an tsiombail "■".

Córais mhórsála TF sa limistéar saoirse, slándála agus ceartais *I**

Rún reachtach ó Pharlaimint na hEorpa an 5 Iúil 2018 ar an togra le haghaidh rialachán ó Pharlaimint na hEorpa agus ón gComhairle maidir le Gníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais, agus lena leasaítear Rialachán (CE) Uimh. 1987/2006 agus Cinneadh 2007/533/JHA ón gComhairle agus lena n-aisghairtear Rialachán (AE) Uimh. 1077/2011 (COM(2017)0352 – C8-0216/2017 – 2017/0145(COD))

(An gnáthnós imeachta reachtach: an chéad léamh)

Tá Parlaimint na hEorpa,

- ag féachaint don togra ón gCoimisiún chuig Parlaimint na hEorpa agus chuig an gComhairle (COM(2017)0352),
 - ag féachaint d’Airteagal 294(2) agus d’Airteagal 74, d’Airteagail 77(2)(a) agus (b), d’Airteagal 78(2)(e), d’Airteagal 79(2)(c), d’Airteagal 82(1)(d), d’Airteagal 85(1), d’Airteagal 87(2)(a) agus d’Airteagal 88(2) den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Pharlaimint na hEorpa (C8-0216/2017),
 - ag féachaint d’Airteagal 294(3) den Chonradh ar Fheidhmiú an Aontais Eorpaigh,
 - ag féachaint don chomhaontú sealadach a d’fhormheas an coiste freagrach faoi Riail 69f(4) dá Rialacha Nós Imeachta agus don ghealltanas a thug ionadaí na Comhairle i litir dar dáta an 7 Meitheamh 2018 go ndéanfaí seasamh na Parlaiminte a fhormheas, i gcomhréir le hAirteagal 294(4) den Chonradh ar Fheidhmiú an Aontais Eorpaigh,
 - ag féachaint do Riail 59 dá Rialacha Nós Imeachta,
 - ag féachaint don tuarascáil ón gCoiste um Shaoirsí Sibhialta, um Cheartas agus um Ghnóthaí Baile agus don tuairim ón gCoiste um Buiséid (A8-0404/2017),
1. ag glacadh a seasaimh ar an gcéad léamh faoi mar a leagtar amach anseo ina dhiaidh seo;
 2. á iarraidh ar an gCoimisiún an t-ábhar a tharchur chuig an bParlaimint arís má chuireann sé téacs eile in ionad a thogra, má leasaíonn sé go suntasach é nó má tá sé ar intinn aige é a leasú go suntasach;
 3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

Seasamh ó Pharlaimint na hEorpa arna ghlacadh ar an gcéad léamh an 5 Iúil 2018 chun go nglacfaí Rialachán (AE) 2018/... ó Pharlaimint na hEorpa agus ón gComhairle maidir le Gníomhaireacht *an Aontais* Eorpaigh chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais (*eu-LISA*), agus lena leasaítear Rialachán (CE) Uimh. 1987/2006 agus Cinneadh 2007/533/CGB ón gComhairle agus lena n-aisghairtear Rialachán (AE) Uimh. 1077/2011*

TÁ PARLAIMINT NA hEORPA AGUS AN CHOMHAIRLE,

Ag féachaint don Chonradh ar Fheidhmiú an Aontais Eorpaigh agus go háirithe Airteagal 74, Airteagal 77(2)(a) agus (b), Airteagal 78(2)(e), Airteagal 79(2)(c), Airteagal 82(1)(d), Airteagal 85(1), Airteagal 87(2)(a) agus Airteagal 88(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag gníomhú dóibh i gcomhréir leis an ngnáthnós imeachta reachtach³,

* NÍL BHAILCHRÍOCH DHLÍTHEANGEOLAÍOCH DÉANTA AR AN TÉACS GO FÓILL.

³ Seasamh Pharlaimint na hEorpa an 5 Iúil 2018.

De bharr an mhéid seo a leanas:

- (1) Bunaíodh Córas Faisnéise Schengen (SIS) le Rialachán (CE) Uimh. 1987/2006 ó Pharlaimint na hEorpa agus ón gComhairle⁴ agus le Cinneadh 2007/533/CGB ón gComhairle⁵. Le Rialachán (CE) Uimh. 1987/2006 agus le Cinneadh 2007/533/CGB, déantar foráil gurb é an Coimisiún a bheidh freagrach, i rith idirthréimhse, as bainistiú oibríochtúil SIS II Láir. Tar éis na hidirthréimhse sin, beidh údarás bainistíochta freagrach as bainistiú oibríochtúil SIS II Láir agus as gnéithe áirithe den bhonneagar cumarsáide.
- (2) Bunaíodh an Córas Faisnéise Víosáí (VIS) le Cinneadh 2004/512/CE ón gComhairle⁶. Le Rialachán (CE) Uimh. 767/2008 ó Pharlaimint na hEorpa agus ón gComhairle⁷, déantar foráil gurb é an Coimisiún a bheidh freagrach, i rith idirthréimhse, as bainistiú oibríochtúil VIS. Tar éis na hidirthréimhse sin, beidh údarás bainistíochta freagrach as bainistiú oibríochtúil VIS Láir agus na gcomhéadan náisiúnta, agus as gnéithe áirithe den bhonneagar cumarsáide.

⁴ Rialachán (CE) Uimh. 1987/2006 ó Pharlaimint na hEorpa agus ón gComhairle an 20 Nollaig 2006 maidir leis an dara glúin de Chóras Faisnéise Schengen (SIS II) a bhunú, a oibriú agus a úsáid (IO L 381, 28.12.2006, lch. 4).

⁵ Cinneadh 2007/533/CGB ón gComhairle an 12 Meitheamh 2007 maidir leis an dara glúin de Chóras Faisnéise Schengen (SIS II) a bhunú, a oibriú agus a úsáid (IO L 205, 7.8.2007, lch. 63).

⁶ Cinneadh 2004/512/CE ón gComhairle an 8 Meitheamh 2004 lena mbunaítear an Córas Faisnéise Víosáí (VIS) (IO L 213, 15.6.2004, lch. 5).

⁷ Rialachán (CE) Uimh. 767/2008 ó Pharlaimint na hEorpa agus ón gComhairle an 9 Iúil 2008 maidir leis an gCóras Faisnéise Víosáí (VIS) agus maidir le sonraí ar víosaí gearrfhanachta a mhalartú idir na Ballstáit (Rialachán VIS) (IO L 218, 13.8.2008, lch. 60).

- (3) Bunaíodh Eurodac le Rialachán (CE) Uimh. 2725/2000 ón gComhairle⁸. Le Rialachán (CE) Uimh. 407/2002 ón gComhairle⁹ leagtar síos rialacha cur chun feidhme riachtanacha. Aisghaireadh na hionstraimí sin agus cuireadh Rialachán (AE) Uimh. 603/2013 ó Pharlaimint na hEorpa agus ón gComhairle¹⁰ ina n-ionad le héifeacht ón 20 Iúil 2015.
- (4) Bunaíodh an Gníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais, **dá ngairtear eu-LISA go coitianta**, le Rialachán (AE) Uimh. 1077/2011 ó Pharlaimint na hEorpa agus ón gComhairle¹¹ chun bainistiú oibríochtúil SIS, VIS agus Eurodac agus gnéithe áirithe dá mbonneagar cumarsáide a áirithiú agus, go hionchasach, chun bainistiú oibríochtúil córas mórsála teicneolaíochta faisnéise (TF) eile sa limistéar saoirse, slándála agus ceartais a áirithiú chomh maith, faoi réir ionstraimí reachtacha leithleacha a ghlacadh. Leasaíodh Rialachán (AE) Uimh. 1077/2011 le Rialachán (AE) Uimh. 603/2013 chun na hathruithe a cuireadh i bhfeidhm ar Eurodac a léiriú.

⁸ Rialachán (CE) Uimh. 2725/2000 ón gComhairle an 11 Nollaig 2000 maidir le ‘Eurodac’ a bhunú chun méarloirg a chur i gcomparáid lena chéile ar mhaithe le cur i bhfeidhm éifeachtach Choinbhinsiún Bhaile Átha Cliath (IO L 316, 15.12.2000, lch. 1).

⁹ Rialachán (CE) Uimh. 407/2002 ón gComhairle an 28 Feabhra 2002 lena leagtar síos rialacha áirithe chun Rialachán (CE) Uimh. 2725/2000 maidir le "Eurodac" a bhunú chun méarloirg a chur i gcomparáid lena chéile ar mhaithe le cur i bhfeidhm éifeachtach Choinbhinsiún Bhaile Átha Cliath (IO L 62, 5.3.2002, lch. 1).

¹⁰ Rialachán (AE) Uimh. 603/2013 ó Pharlaimint na hEorpa agus ón gComhairle an 26 Meitheamh 2013 maidir le bunú 'Eurodac' chun méarloirg a chur i gcomparáid lena chéile ar mhaithe le cur i bhfeidhm éifeachtach Rialachán (AE) Uimh. 604/2013 lena mbunaítear na critéir agus na sásraí lena gcinntear cé acu Ballstát atá freagrach as scrúdú a dhéanamh ar iarratas ar chosaint idirnáisiúnta arna thaisceadh i gceann de na Ballstáit ag náisiúnach tríú tír nó ag duine gan stát agus maidir le hiarrataí ó údaráis forghníomhaithe dlí na mBallstát agus ó Europol ar chomparáidí le sonraí Eurodac chun críocha forghníomhaithe dlí, agus lena leasaítear Rialachán (AE) Uimh. 1077/2011 lena mbunaítear Gníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais (IO L 180, 29.6.2013, lch. 1).

¹¹ Rialachán (AE) Uimh. 1077/2011 ó Pharlaimint na hEorpa agus ón gComhairle an 25 Deireadh Fómhair 2011 lena mbunaítear Gníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais (IO L 286, 1.11.2011, lch. 1).

- (5) Ós rud é go raibh uathriail dlí, riaracháin agus airgeadais de dhíth ar an údarás bainistíochta, bunaíodh é i bhfoirm gníomhaireacht rialála (an Ghníomhaireacht) ag a bhfuil pearsantacht dhlítheanach. De réir mar a comhaontaíodh, is i dTaillinn (an Eastóin) a bunaíodh suíomh na Gníomhaireachta. Ós rud é, áfach, go raibh na cúraimí a bhaineann le forbairt theicniúil agus leis an ullmhúchán i dtaca le bainistiú oibríochtúil SIS agus VIS á gcur i gcrích cheana in Strasbourg (an Fhrainc) agus gur suiteáladh láithreán cúltaca i gcomhair na gcóras TF sin in Sankt Johann im Pongau (an Ostair) i gcomhréir freisin le hionaid na gcóras SIS agus VIS arna gcinneadh faoi na hionstraimí reachtacha ábhartha, ba cheart leanúint den socrú sin. Ba cheart leanúint den dá láithreán sin a úsáid freisin mar na hionaid, faoi seach, ina ndéanfaí na cúraimí a bhaineann le bainistiú oibríochtúil Eurodac a chur i gcrích agus ina mbunófaí láithreán cúltaca i gcomhair Eurodac. Ba cheart an dá láithreán sin a úsáid freisin mar na hionaid, faoi seach, ina ndéanfaí forbairt theicniúil agus bainistiú oibríochtúil córas mórsála TF eile sa limistéar saoirse, slándála agus ceartais agus ■ ina mbeadh láithreán cúltaca arb acmhainn dó oibriú córais mórsála TF a áirithiú i gcás ina dtarlódh cliseadh sa chóras sin. Chun an úsáid is mó is féidir a bhaint as an láithreán cúltaca, *d'fhéadfaí an láithreán sin a úsáid freisin chun córais a oibriú go comhuaineach ■ ar choinníoll go mbeidh sé d'acmhainn aige i gcónaí oibriú na gcóras sin a áirithiú i gcás ina gclisfeadh ar **cheann amháin nó níos mó** de na córais sin **De bharr nádúr ardslándála, ard-infhaighteachta agus ríthábhachtach na gcóras i leith an mhisin arna mbainistiú ag eu-LISA, más rud é go n-éireodh an acmhainn óstála neamhleor ar na láithreáin teicniúla atá cheana ann, ba cheart an Bord Bainistíochta a bheith in ann a mholadh go mbunófaí dara láithreán teicniúil ar leithligh in Strasbourg nó in Sankt Johann im Pongau nó sa dá háit, de réir mar is gá, chun na córais a óstáil, ach amháin ar choinníoll go mbeadh údar maith leis ar bhonn measúnú tionchair agus anailís costas agus sochar neamhspleách. Ba cheart don Bhord Bainistíochta dul i gcomhairle leis an gCoimisiún agus dearcadh an Choimisiúin a chur san áireamh sula dtabharfaidh sé fógra don údarás buiséadach faoina intinn aon tionscadal a bhaineann le maoin a chur chun feidhme i gcomhréir le hAirteagal 40(9).*** Ó chuaigh sí i mbun oibre an 1 Nollaig 2012, ghabh an Ghníomhaireacht uirthi féin na cúraimí a bhaineann le VIS a thugtar don údarás bainistíochta le Rialachán (CE) Uimh. 767/2008 agus le Cinneadh 2008/633/CGB ón gComhairle¹². Ghabh sí uirthi féin na cúraimí a bhaineann le SIS II a thugtar don údarás bainistíochta le Rialachán (CE) Uimh. 1987/2006 agus le

¹² Cinneadh 2008/633/CGB ón gComhairle an 23 Meitheamh 2008 maidir le rochtain ar

Chóras Faisnéise Víosáí (VIS) a bheith ag údaráis ainmnithe de chuid Ballstát agus ag Europol chun na sonraí ann a cheadú chun críocha cionta sceimhlitheoireachta agus cionta coiriúla tromchúiseacha eile a chosc, a bhrath agus a imscrúdú (IO L 218, 13.8.2008, lch. 129).

Cinneadh 2007/533/CGB ón gComhairle tar éis don chóras teacht i bhfeidhm in Aibreán 2013 agus ghabh sí uirthi féin i Meitheamh 2013 na cúraimí i ndáil le Eurodac a thugtar don Choimisiún i gcomhréir le Rialachán (CE) Uimh. 2725/2000 agus Rialachán (CE) Uimh. 407/2002. Is é tátal na chéad mheastóireachta a rinneadh in 2015-2016 ar obair na Gníomhaireachta ar bhonn meastóireacht sheachtrach neamhspleách go n-áirithíonn eu-LISA ar bhealach éifeachtach bainistiú oibríochtúil na gcóras mórsála TF agus cúraimí eile a chuirtear air ach gur gá roinnt athruithe eile a dhéanamh ar an Rialachán lena mbunaítear an Ghníomhaireacht amhail cúraimí maidir leis an bonneagar cumarsáide atá faoi chúram an Choimisiúin go fóill a aistriú chuig an nGníomhaireacht. Ag tógáil dó ar an meastóireacht sheachtrach, chuir an Coimisiún san áireamh forbairtí beartais, dlíthiúla agus fíorasacha agus mhol sé ina Thuarascáil ar fheidhmiú na Gníomhaireachta Eorpaí chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais (eu-LISA)¹³ go háirithe go ndéanfaí sainordú na Gníomhaireachta a leathnú chun go ndéanfaidh sí na cúraimí a eascraíonn as na comhreachtóirí a ghlacadh i leith moltaí lena dtugtar córais nua don Ghníomhaireacht, agus na cúraimí dá dtagraítear sa Teachtaireacht ón gCoimisiún an 6 Aibreán 2016 faoi Chórais Faisnéise níos Láidre agus níos Cliste do Theorainneacha agus don tSlándáil, i dtuarascáil chríochnaitheach de chuid an Ghrúpa Ardleibhéil Saineolaithe an 11 Bealtaine 2017 ***maidir le Córais Faisnéise agus Idir-inoibritheacht***, agus sa Seachtú tuarascáil ón gCoimisiún ar dhul chun cinn i dtreo Aontas Slándála éifeachtach dílis an 16 Bealtaine 2017¹⁴, faoi réir, nuair is gá sin, na hionstraimí reachtacha ábhartha a ghlacadh. Go háirithe, ba cheart é a chur de chúram ar an nGníomhaireacht forbairt a dhéanamh ar ***réitigh maidir le hidir-inoibritheacht, arna sainiú i dTeachtaireacht an 6 Aibreán mar chumas na gcóras faisnéise sonraí a mhalartú agus roinnt faisnéise a chumasú***. Nuair is ábhartha, aon bhearta a dhéantar i leith na hidir-inoibritheachta, ba cheart an Teachtaireacht ón gCoimisiún faoi Straitéis Cur chun Feidhme an Chreata Eorpaigh Idir-inoibritheachta¹⁵ a bheith ina treoir acu.

¹³ COM(2017)0346, 29.6.2017.

¹⁴ ***COM(2017)0261, 16.5.2017.***

¹⁵ COM(2017)0134, 23.3.2017. Cuirtear ar fáil in Iarscríbhinn 2 a ghabhann leis an Teachtaireacht seo na treoirínte ginearálta, na moltaí agus na dea-chleachtais chun idir-inoibritheacht a bhaint amach nó, ar a laghad, chun an timpeallacht a chothú inar féidir idir-inoibritheacht ar bhonn níos fearr a bhaint amach agus seirbhísí poiblí Eorpacha á gceapadh, á gcur chun feidhme agus á mbainistiú.

- (6) Tá tal eile a baineadh as an tuarascáil réamhráite ón gCoimisiún is ea gur cheart sainordú na Gníomhaireachta a leathnú chun go bhféadfadh sí comhairle a chur ar fáil do na Ballstáit i ndáil le nasc na gcóras náisiúnta leis na lárchórais agus le haghaidh cúnamh/tacaíocht *ad hoc*, nuair is gá sin, mar aon le cúnamh/tacaíocht a chur ar fáil do sheirbhísí an Choimisiúin faoi shaincheisteanna teicniúla a bhaineann le córais nua.
- (7) ■ Ba cheart, dá bhrí sin, ullmhú, forbairt agus bainistiú oibríochtúil an Chórais Dul Isteach/Imeachta a chur de chúram ar an nGníomhaireacht, ar córas é a bunaíodh le Rialachán (AE) 2017/2226 ó Pharlaimint na hEorpa agus ón gComhairle¹⁶. ■

¹⁶ Rialachán (AE) 2017/2226 ó Pharlaimint na hEorpa agus ón gComhairle an 30 Samhain 2017 lena mbunaítear Córas Dul Isteach/Imeachta (EES) chun sonraí faoi dhul isteach agus imeacht agus sonraí faoi dhiúltú cead isteach náisiúnach tríú tír a chlárú agus iad ag trasnú teorainneacha seachtracha na mBallstát agus lena gcinntear na coinníollacha ar a dtabharfar rochtain ar EES chun críocha fhorghníomhú an dlí, agus lena leasaítear an Coinbhinsiún lena ndéantar Comhaontú Schengen agus Rialachán (CE) Uimh. 767/2008 agus Rialachán (AE) Uimh. 1077/2011 (IO L 327, 9.12.2017, lch. 20) a chur chun feidhme.

- (8) *Ba cheart bainistiú oibríochtúil de shlánbhealach leictreonach ar leithligh, ar a dtugtar DubliNet, a chur de chúram ar an nGníomhaireacht, a cuireadh ar bun faoi Airteagal 18 de Rialachán (CE) Uimh. 1560/2003 ón gCoimisiún¹⁷, ar cheart d'údaráis inniúla tearmainn na mBallstát a úsáid chun faisnéis faoi iarrthóirí ar chosaint idirnáisiúnta a mhalartú.*
- (9) **■** Ba cheart ullmhú, forbairt agus bainistiú oibríochtúil Chóras an Aontais Eorpaigh um Fhaisnéis agus Údarú Taistil (ETIAS) a chur de chúram uirthi, ar córas é a bunaíodh le *Rialachán XX/XX [Uimhir COD 2016/0357A le cur isteach anseo agus san fhonóta] ó Pharlaimint na hEorpa agus ón gComhairle¹⁸.*

¹⁷ Rialachán (CE) Uimh. 1560/2003 ón gCoimisiún an 2 Meán Fómhair 2003 lena leagtar síos rialacha mionsonraithe maidir le cur i bhfeidhm Rialachán (CE) Uimh. 343/2003 ón gComhairle lena mbunaítear na critéir agus na sásraí lena gcinntear cé acu Ballstát atá freagrach as scrúdú a dhéanamh ar iarratas ar thearmann arna thaisceadh i gceann de na Ballstáit ag náisiúnach tríú tír (IO L 222, 5.9.2003 lch. 3).

¹⁸ Rialachán XX/XX ó Pharlaimint na hEorpa agus ón gComhairle an ... lena mbunaítear Córas an Aontais Eorpaigh um Fhaisnéis agus Údarú Taistil (ETIAS) agus lena leasaítear Rialacháin (AE) Uimh. 1077/2011, (AE) Uimh. 515/2014, (AE) 2016/399, (AE) 2016/1624, agus (AE) 2017/2226 (IO L ..., ..., lch. ...) [cuir isteach an uimhir cheart COD 2016/357A].

- (13) Ba cheart gurbh é croí-fheidhm na Gníomhaireachta i gcónaí comhlíonadh na gcúraimí maidir le bainistiú oibríochtúil i leith SIS, VIS, Eurodac, EES, Dublinet, ETIAS agus, má chinntear amhlaidh, i leith córas mórscála TF eile sa limistéar saoirse, slándála agus ceartais. Ba cheart an Gníomhaireacht a bheith freagrach chomh maith as bearta teicniúla a mbeadh gá leo de thoradh na gcúraimí a chuirtear ar an nGníomhaireacht, ar bearta iad nach bhfuil de chineál normatach. Ba cheart na freagrachtaí sin a bheith gan dochar do na cúraimí normatacha a fhorchoimeádtar don Choimisiún amháin nó don Choimisiún agus cúnamh á fháil aige ó Choiste sna hionstraimí reachtacha faoi seach lena rialaítear na córais a ndéanann an Gníomhaireacht bainistiú oibríochtúil orthu.

(13a) *Ba cheart don Gníomhaireacht a bheith in ann réitigh theicniúla a chur chun feidhme chun na ceanglais infhaighteachta a leagtar síos sna hionstraimí reachtacha lena rialaítear na córais atá faoi fhreagracht na Gníomhaireachta a chomhlíonadh agus lánurraim á tabhairt ag an am céanna d'fhorálacha sonracha na n-ionstraimí sin i dtaca le haitireacht theicniúil na gcóras faoi seach. I gcás ina n-éilíonn na réitigh theicniúla sin dúbláil córais nó dúbláil na gcomhpháirteanna i gcóras, ba cheart measúnú tionchair agus anailís costas agus sochar neamhspleách a dhéanamh agus ba cheart don Bhord Bainistíochta cinneadh a dhéanamh tar éis dul i gcomhairle leis an gCoimisiún. Ba cheart scrúdú a bheith san áireamh leis an measúnú, ar na riachtanais ó thaobh acmhainn óstála na láithreán teicniúil atá cheana ann a bhaineann le forbairt na réiteach sin agus na rioscaí a d'fheadfadh a bheith ann don leagan amach oibríochtúil reatha.*

(13b) *Níl aon údar maith a thuilleadh ag an gCoimisiún a bheith fós i mbun cúraimí áirithe a bhaineann le bonneagar cumarsáide na gcóras agus ba cheart, dá bhrí sin, na cúraimí sin a aistriú chuig an nGníomhaireacht chun cur le comhleanúnachas a bainistíochta. Maidir leis na córais sin a úsáideann EuroDomain, áfach, ar slánbhonneagar cumarsáide é arna chur ar fáil ag TESTA-ng (Seirbhísí Tras-Eorpacha le haghaidh Teileamaitice idir Riaracháin-glúin nua), ar tionscadal é sin i bhfoirm seirbhís líonraí ar bhonn Airteagal 3 de Chinneadh Uimh. 922/2009/CE ó Pharlaimint na hEorpa agus ón gComhairle¹⁹, ba cheart na cúraimí seo a leanas a bheith ar an gCoimisiún fós: cur chun feidhme an bhuiséid, fáil agus athnuachan, agus ábhair a bhaineann le conarthaí. Féadfaidh an Gníomhaireacht cúraimí a bhaineann leis an mbonneagar cumarsáide a sheachadadh, a chur ar bun, a chothabháil agus faireachán a dhéanamh air a chur ar iontaoibh eintitis sheachtracha de chuid na hearnála príobháidí nó ar chomhlachtaí seachtracha de chuid na hearnála príobháidí i gcomhréir le Rialachán (AE, Euratom) Uimh. 966/2012. Ba cheart go mbeadh acmhainní leordhóthanacha buiséadacha agus foirne ag an nGníomhaireacht chun an gá le seachfhoinsiú a cúraimí agus a dualgas chuig cuideachtaí phríobháideacha a shrianadh a mhéid ab fhéidir.*

¹⁹ Cinneadh Uimh. 922/2009/CE ó Pharlaimint na hEorpa agus ón gComhairle an 16 Meán Fómhair 2009 maidir le réitigh idir-inoibritheachta do Riaracháin Phoiblí Eorpacha (ISA) (IO L 280, 3.10.2009, lch. 20).

- (14) Ina theannta sin, ba cheart don Ghníomhaireacht leanúint de chúraimí a dhéanamh a bhaineann le hoiliúint in úsáid theicniúil SIS, VIS agus Eurodac agus córas mórscála TF eile, ar cúraimí iad a chuirfear faoi chúram na Gníomhaireachta amach anseo.
- (14a) *Chun cur le ceapadh beartas imirce agus slándála an Aontais, bunaithe ar fhianaise, agus leis an bhfaireachán ar dhea-fheidhmiú na gcóras mórscála TF atá faoi chúram na Gníomhaireachta, ba cheart don Ghníomhaireacht staidreamh a bhailiú agus a fhoilsiú, agus tuarascálacha staidrimh a chur le chéile agus a chur ar fáil do na gníomhaithe ábhartha i gcomhréir le hionstraimí dlí lena rialaítear na córais mhórscála TF sin, mar shampla chun faireachán a dhéanamh ar chur chun feidhme Rialachán (AE) Uimh. 1053/2013 ón gComhairle²⁰ agus ar mhaithe le hanailís rioscaí agus measúnú leochaileachta a dhéanamh i gcomhréir le Rialachán (AE) 2016/1624 ó Pharlaimint na hEorpa agus ón gComhairle²¹.*

²⁰ *Rialachán (AE) Uimh. 1053/2013 ón gComhairle an 7 Deireadh Fómhair 2013, lena mbunaítear sásra meastóireachta agus faireacháin chun cur i bhfeidhm acquis Schengen a fhíorú agus lena n-aisghairtear Cinneadh ón gCoiste Feidhmiúcháin an 16 Meán Fómhair 1998 lena mbunaítear Buanchoiste um measúnú agus cur chun feidhme Schengen (IO L 295, 6.11.2013, lch. 27).*

²¹ *Rialachán (AE) 2016/1624 ó Pharlaimint na hEorpa agus ón gComhairle an 14 Meán Fómhair 2016 maidir leis an nGarda Teorann agus Cósta Eorpach agus lena leasaítear Rialachán (AE) 2016/399 ó Pharlaimint na hEorpa agus ón gComhairle agus lena n-aisghairtear Rialachán (CE) Uimh. 863/2007 ó Pharlaimint na hEorpa agus ón gComhairle, Rialachán (CE) Uimh. 2007/2004 ón gComhairle agus Cinneadh 2005/267/CE ón gComhairle (IO L 251, 16.9.2016, lch. 1).*

- (15) Thairis sin, d'fhéadfaí freagracht a chur de chúram ar an nGníomhaireacht maidir le hullmhú, forbairt agus bainistiú oibríochtúil córas mórsála TF breise i gcur i bhfeidhm Airteagal 67 go hAirteagal 89 den Chonradh ar Fheidhmiú an Aontais Eorpaigh (CFAE). ***D'fhéadfadh ECRIS-TCN nó réiteach slán TFC do mhalartú trasteorann sonraí íogaire ag na húdaráis bhreithiúnacha (e-CODEX) a bheith ina n-eiseamláirí de na córais sin. Mar sin féin, níor cheart na córais sin a chur de chúram ar an nGníomhaireacht ach amháin trí bhíthin ionstraimí reachtacha leithleacha a ghlacfaí ina dhiaidh sin, agus ba cheart measúnú tionchair a dhéanamh sula nglacfaí iad.***
- (16) Ba cheart sainordú taighde na Gníomhaireachta a leathnú chun mhó ab acmhainn di athruithe teicniúla ábhartha agus riachtanacha ar na córais TF faoina freagracht a mholadh ar bhonn níos réamhghníomhaí. Le cois faireachán a dhéanamh ar **■** ghníomhaíochtaí taighde is ábhartha do bhainistiú oibríochtúil na gcóras a bhainistíonn sí, ***d'fhéadfadh sé go rannchuideodh an Gníomhaireacht le cur chun feidhme na gcodanna sin den Chreatchlár um Thaighde agus Nuálaíocht freisin, i gcás ina bhfuil na cumhachtaí ábhartha tarmligthe ag an gCoimisiún chuig an nGníomhaireacht.*** Ba cheart di faisnéis faoin bhfaireachán sin a chur chuig Parlaimint na hEorpa, chuig an gComhairle agus, ***i gcásanna a bhaineann le próiseáil sonraí pearsanta,*** chuig an Maoirseoir Eorpach ar Chosaint Sonraí ***uair amháin sa bhliain*** ar a laghad.

- (17) ***D'fhéadfadh sé go gcuirfí de*** fhreagracht ar an nGníomhaireacht treoirthionscadail ***de chineál turgnamhach*** a dhéanamh, ***arna ndearadh chun a indéanta agus a úsáidí atá sé gníomhaíocht a thástáil, ar gníomhaíocht é a d'fhéadfaí a chur chun feidhme d'uireasa bunghnímh*** i gcomhréir le hAirteagal 54(2)(a) de Rialachán (AE, Euratom) Uimh. 966/2012 ó Pharlaimint na hEorpa agus ón gComhairle²². Ina theannta sin, féadfaidh an Coimisiún cúraimí a chur ar an nGníomhaireacht a bhaineann le cur chun feidhme an bhuiséid i gcomhair cruthúnais choincheapa arna gcistiú faoin ionstraim le haghaidh tacaíocht airgeadais do theorainneacha seachtracha agus do víosaí dá bhforáiltear i Rialachán (AE) Uimh. 515/2014 ó Pharlaimint na hEorpa agus ón gComhairle²³ i gcomhréir le hAirteagal 58(1)(c) de Rialachán (AE, Euratom) Uimh. 966/2012, ***tar éis di Parlaimint na hEorpa a chur ar an eolas***. Maidir le gníomhaíochtaí tástála a bhaineann le hábhair a chumhdaítear d'áiríthe sa Rialachán seo agus sna hionstraimí reachtacha lena rialaítear forbairt, bunú, oibriú agus úsáid na gcóras mórsála TF arna mbainistiú ag an nGníomhaireacht, ***amhail tástáil ar choincheapa fíorúlaithe agus ar bhonneagar comhroinnte***, féadfaidh an Gníomhaireacht iad a phleanáil agus a chur chun feidhme freisin. Nuair a chuirfear cúram uirthi treoirthionscadal a chur i gcrích, ba cheart don Gníomhaireacht aird ar leith a thabhairt ar Straitéis an Aontais Eorpaigh um Bainistiú Faisnéise.

²² Rialachán (AE, Euratom) Uimh. 966/2012 ó Pharlaimint na hEorpa agus ón gComhairle an 25 Deireadh Fómhair 2012 maidir leis na rialacha airgeadais is infheidhme maidir le buiséad ginearálta an Aontais agus lena n-aisghairtear Rialachán (CE, Euratom) Uimh. 1605/2002 ón gComhairle (IO L 298, 26.10.2012, lch. 1).

²³ Rialachán (AE) Uimh. 515/2014 ó Pharlaimint na hEorpa agus ón gComhairle an 16 Aibreán 2014 lena mbunaítear, mar chuid den Chiste Slándála Inmheánaí, an ionstraim le haghaidh tacaíocht airgeadais do theorainneacha seachtracha agus do víosaí agus lena n-aisghairtear Cinneadh 574/2007/CE ón gComhairle (IO L 150, 20.5.2014, lch. 143).

- (18) *Maidir le nasc na gcóras náisiúnta leis na lárchórais dá bhforáiltear sna hionstraimí reachtacha lena rialaítear na córais sin, ba cheart don Ghníomhaireacht comhairle a sholáthar do na Ballstáit arna hiarraidh sin dóibh.*

- (19) Ba cheart don Ghníomhaireacht freisin tacaíocht *ad hoc* a sholáthar do na Ballstáit **arna iarraidh sin dóibh, faoi réir an nós imeachta a leagtar amach sa Rialachán seo**, nuair is gá sin de thoradh **dúshláin nó** riachtanais urghnácha slándála nó imirce. Go háirithe, **ba cheart do Bhallstát a bheith in ann athneartuithe teicniúla agus oibríochtúla a iarraidh agus brath orthu** i gcás ina mbíonn dúshláin shonracha agus dhíréireacha ó thaobh imirce roimh an mBallstát **sin** ag limistéir ar leith dá theorainneacha seachtracha a bhfuil mórfhlódú isteach de shreabha imirce mar shaintréith díobh. Ba cheart d'fhoirne tacaíochta don bhainistiú imirce, foirne ar a bhfuil saineolaithe ó ghníomhaireachtaí ábhartha an Aontais, **athneartuithe den sórt sin** a sholáthar sna teophointí. I gcás ina mbeadh gá le tacaíocht ón nGníomhaireacht sa chomhthéacs sin maidir le saincheisteanna a bhaineann leis na córais mhórsála TF a bhainistíonn sé, ba cheart **don Bhallstát lena mbaineann** an iarraidh ar thacaíocht **a tharchur** chuig an gCoimisiún, **agus ba cheart dó siúd, i ndiaidh dó measúnú a dhéanamh go bhfuil údar éifeachtach leis an tacaíocht sin, an iarraidh ar thacaíocht a tharchur** chuig an nGníomhaireacht **gan mhoill, agus ba cheart di é sin a chur in iúl don Bhord Bainistíochta. Ba cheart don Choimisiún faireachán a dhéanamh i dtaobh an dtugann an Ghníomhaireacht freagairt thráthuil ar an iarraidh ar thacaíocht ad hoc. Ba cheart go dtabharfaí tuairisc mhionsonraithe sa Tuarascáil Bhliantúil ar Gníomhaíochtaí na gníomhaíochtaí atá déanta ag an nGníomhaireacht chun tacaíocht ad hoc a thabhairt do na Ballstáit agus ar na costais a tabhaíodh i dtaca leis sin.**

- (20) Ba cheart don Ghníomhaireacht freisin tacú le seirbhísí an Choimisiúin i dtaca le saincheisteanna teicniúla a bhaineann le córais atá ann cheana nó le córais nua, nuair is gá sin, go háirithe agus tograí nua maidir le córais mhórsála TF á n-ullmhú le cur faoi chúram na Gníomhaireachta.
- (21) **Ba cheart é a bheith indéanta *a chur de chúram* ar an nGníomhaireacht *córas coiteann TF a fhorbairt, a bhainistiú agus/nó a óstáil* le haghaidh grúpa Ballstát chun *cuidiú leo* gnéithe teicniúla d'oibleagáidí a chur chun feidhme a eascraíonn as reachtaíocht an Aontais maidir le córais TF dílárta sa limistéar saoirse, slándála agus ceartais, *agus gan dochar dá n-oibleagáidí faoi reachtaíocht an Aontais is infheidhme, go háirithe maidir le haitireacht na gcóras sin*. Maidir leis sin, ba cheart ceangal a bheith ann formheas roimh ré a fháil ón gCoimisiún, *ba cheart é a bheith faoi réir cinneadh dearfach ón mBord Bainistíochta, ba cheart é a léiriú i gcomhaontú tarmligin* idir na Ballstáit lena mbaineann agus an Ghníomhaireacht agus ba cheart é a bheith maoinithe *go hiomlán ag na Ballstáit lena mbaineann. Ba cheart don Ghníomhaireacht an comhaontú tarmligin a formheasadh agus aon mhodhnuithe arna ndéanamh air a chur in iúl do Pharlaimint na hEorpa agus don Chomhairle, Ba cheart go bhféadfadh Ballstáit eile a bheith rannpháirteach i réiteach coiteann den chineál sin ar choinníoll go mbeadh foráil déanta don fhéidearthacht sin sa chomhaontú tarmligin agus go ndéanfaí na leasuithe is gá air. Níor cheart don chúram sin dochar a dhéanamh do bhainistiú oibríochtúil na gcóras TF atá faoi chúram na Gníomhaireachta.***

- (22) Maidir le bainistiú oibríochtúil córas mórsála TF sa limistéar saoirse, slándála agus ceartais a chur faoi chúram na Gníomhaireachta, níor cheart dó sin difear a dhéanamh do na rialacha sonracha is infheidhme maidir leis na córais sin. Go háirithe, tá na rialacha sonracha lena rialaítear an cuspóir, cearta rochtana, bearta slándála agus na ceanglais bhreise um chosaint sonraí maidir le gach córas mórsála TF a bhfuil a bhainistiú oibríochtúil curtha faoi chúram na Gníomhaireachta, tá na rialacha sin infheidhme go huile is go hiomlán.
- (23) ***Chun faireachán éifeachtach a dhéanamh ar fheidhmiú na Gníomhaireachta***, ba cheart ionadaíocht a dhéanamh thar ceann na mBallstát agus thar ceann an Choimisiúin ar Bhord Bainistíochta. Ba cheart na feidhmeanna is gá a chur faoi chúram an Bhoird Bainistíochta go háirithe chun an clár oibre bliantúil a ghlacadh, chun a fheidhmeanna maidir le buiséad na Gníomhaireachta a chomhlíonadh, na rialacha airgeadais is infheidhme maidir leis an nGníomhaireacht a ghlacadh agus nósanna imeachta a bhunú maidir cinntí a bhaineann le cúraimí oibríochtúla na Gníomhaireachta a bheith á nglacadh ag an Stiúrthóir Feidhmiúcháin. ***Ba cheart don Bhord Bainistíochta na cúraimí sin a dhéanamh ar bhealach éifeachtúil agus trédhearcach. Tar éis don Choimisiún nós imeachta roghnúcháin iomchuí a eagrú, agus tar éis éisteacht na n-iarrthóirí molta sa choiste inniúil den Pharlaimint, ba cheart don Bhord Bainistíochta Stiúrthóir Feidhmiúcháin a cheapadh freisin.***

- (23a) *Ós rud é go mbeidh méadú suntasach tagtha faoin mbliain 2020 ar líon na gcóras mórsála TF a chuirtear de chúram ar an nGníomhaireacht agus ós rud é go bhfuiltear ag cur go mór le cúraimí na Gníomhaireachta, tiocfaidh méadú suntasach dá réir ar fhoireann na Gníomhaireachta idir seo agus 2020. Ba cheart dá bhrí sin go gcruthófaí post Leas-Stiurthóir Feidhmiúcháin na Gníomhaireachta agus aird chuí á tabhairt ar an ngá a bheidh ann le maoirseacht mhéadaithe agus thiomanta ar na cúraimí a bhaineann le forbairt nó le bainistiú oibríochtúil córas mórsála TF agus go bhfuil láithreáin theicniúla na Gníomhaireachta scaipthe idir trí Bhallstát. Ba cheart don Bhord Bainistíochta an Leas-Stiurthóir Feidhmiúcháin a cheapadh.*
- (23b) Ba cheart an Gníomhaireacht a rialú agus a oibriú agus aird chuí á tabhairt ar phrionsabail an chur chuige choitinn maidir le gníomhaireachtaí díláraithe an Aontais a ghlac Parlaimint na hEorpa, an Chomhairle agus an Coimisiún an 19 Iúil 2012.

- (24) Maidir le SIS II, ba cheart stádas breathnóra a bheith ag **Gníomhaireacht an Aontais Eorpaigh i ndáil le Comhar i bhForfheidhmiú an Dlí** (Europol) agus ag an Aonad Eorpach um Chomhar Breithiúnach (Eurojust), a bhfuil ceart rochtana acu araon ar shonraí arna n-iontráil in SIS II le linn Cinneadh 2007/533/CGB ■ a chur i bhfeidhm, agus a bhfuil ceart acu cuardach díreach a dhéanamh ar na sonraí sin, ba cheart an stádas sin a bheith acu ag cruinnithe an Bhoird Bainistíochta, nuair a bheidh ceist i ndáil le cur i bhfeidhm Chinneadh 2007/533/CGB ar an gclár oibre. Ba cheart stádas breathnóra a bheith ag **an nGníomhaireacht Eorpach um an nGarda Teorann** agus Cósta, a bhfuil ceart rochtana agus cuardaigh aici ar SIS le linn Rialachán (AE) 2016/1624 ■ a chur i bhfeidhm, **ag cruinnithe an Bhord** Bainistíochta nuair a bheidh ceist i ndáil le cur i bhfeidhm Rialachán (AE) 2016/1624 ■ ar an gclár oibre. Ba cheart an deis a bheith ag Europol, ag Eurojust agus ag an **nGníomhaireacht Eorpach um an nGarda Teorann** agus Cósta faoi seach ionadaí a cheapadh ar an nGrúpa Comhairleach SIS arna bhunú faoin Rialachán seo.

- (25) Maidir le VIS, ba cheart stádas breathnóra a bheith ag Europol freisin ag cruinnithe an Bhoird Bainistíochta nuair a bheidh ceist i ndáil le cur i bhfeidhm Chinneadh 2008/633/CGB ar an gclár oibre. Ba cheart an deis a bheith ag Europol ionadaí a cheapadh ar Ghrúpa Comhairleach VIS arna bhunú faoin Rialachán seo.
- (26) Maidir le Eurodac, ba cheart stádas breathnóra a bheith ag Europol freisin ag cruinnithe an Bhoird Bainistíochta nuair a bheidh ceist i ndáil le cur i bhfeidhm Rialachán (AE) Uimh. 603/2013 ■ ar an gclár oibre. Ba cheart an deis a bheith ag Europol ionadaí a cheapadh ar Ghrúpa Comhairleach Eurodac.

- (27) ■ Maidir le ETIAS, ba cheart stádas breathnóra a bheith ag Europol ag cruinnithe an Bhoird Bainistíochta nuair a bheidh ceist a bhaineann le Rialachán (EU) 2017/2226 ar an gclár oibre ■ .
- (28) ■ Maidir le EES, ba cheart stádas breathnóra a bheith ag Europol ag cruinnithe an Bhoird Bainistíochta nuair a bheidh ceist a bhaineann le Rialachán XX/XXXX ■ lena mbunaítear ETIAS■ ar an gclár oibre. Ba cheart stádas breathnóra a bheith ag an **nGníomhaireacht Eorpach um an** nGarda Teorann agus Cósta freisin ag cruinnithe an Bhoird Bainistíochta nuair a bheidh ceist a bhaineann le ETIAS i ndáil le cur i bhfeidhm Rialachán XX/XX lena mbunaítear ETIAS ar an gclár oibre. Ba cheart an deis a bheith ag Europol agus ag an **nGníomhaireacht Eorpach um an** nGarda Teorann agus Cósta ionadaí a cheapadh ar an nGrúpa Comhairleach ■ EES-ETIAS■ .

■

- (31) Ba cheart cearta vótála a bheith ag Ballstáit ar an mBord Bainistíochta má cheanglaítear iad faoi dhlí an Aontais trí bhíthin aon ionstraim reachtach lena rialaítear forbairt, bunú, oibriú agus úsáid an chórais áirithe sin. Ba cheart cearta vótála a bheith ag an Danmhairg freisin maidir le córas mórsála TF má chinneann sí, faoi Airteagal 4 de Phrótocal Uimh. 22 maidir le seasamh na Danmhairge, atá i gceangal leis an gConradh ar an Aontas Eorpach (CAE) agus le CFAE, an ionstraim reachtach a chur chun feidhme ina dlí náisiúnta, arb ionstraim í lena rialaítear forbairt, bunú, oibriú agus úsáid an chórais áirithe sin.

- (32) Ba cheart do Bhallstáit comhalta a cheapadh ar an nGrúpa Comhairleach maidir le córas mórskála TF má cheanglaítear iad faoi dhlí an Aontais trí bhíthin aon ionstraim reachtach lena rialaítear forbairt, bunú, oibriú agus úsáid an chórais áirithe sin. Ba cheart don Danmhairg, ina theannta sin, comhalta a cheapadh ar an nGrúpa Comhairleach maidir le córas mórskála TF, má chinneann sí faoi Airteagal 4 de Phrótacal Uimh. 22 maidir le seasamh na Danmhairge an ionstraim reachtach a chur chun feidhme ina dlí náisiúnta, arb ionstraim í lena rialaítear forbairt, bunú, oibriú agus úsáid an chórais áirithe sin. ***Ba cheart do na Grúpaí Comhairleacha comhoibriú le chéile nuair is gá.***

- (33) Chun a huathriail agus a neamhspleáchas iomlán a áirithiú *agus chun cumasú di na cuspóirí agus cúraimí a shanntar di leis an Rialachán seo a fheidhmiú go cuí*, ba cheart buiséad *leormhaith agus* uathrialach a thabhairt don Ghníomhaireacht lena ngabhfadh ioncam ó bhuiséad ginearálta an Aontais Eorpaigh. Ba cheart maoiniú na Gníomhaireachta a bheith faoi réir comhaontú ón údarás buiséadach mar a leagtar amach i bpointe 31 de Chomhaontú Idirinstitiúideach an 2 Nollaig 2013 idir Parlaimint na hEorpa, an Chomhairle agus an Coimisiún maidir le smacht buiséadach, comhar in ábhair bhuiséadacha agus bainistíocht fhóna airgeadais²⁴. Ba cheart nósanna imeachta buiséadacha agus urscaoilte an Aontais a bheith infheidhme. Ba cheart don Chúirt Iniúchóirí na cuntais agus dlíthiúlacht agus rialacht na n-idirbheart is bun leo a iniúchadh.

²⁴ IO C 373, 20.12.2013, lch. 1.

- (34) Chun críche a misean a chomhall agus a mhéid is gá chun a cúraimí a chur i gcrích, ba cheart an deis a bheith ag an nGníomhaireacht dul i gcomhar le hinstitiúidí, comhlachtaí, oifigí agus gníomhaireachtaí de chuid an Aontais, go háirithe leo sin atá bunaithe sa limistéar saoirse, slándála agus ceartais, i dtaobh ábhair a chumhdaítear sa Rialachán seo agus san ionstraim reachtach lena rialaítear forbairt, bunú, oibriú agus úsáid córas mórsála TF arna mbainistiú ag an nGníomhaireacht faoi chuimsiú socruithe oibre arna dtabhairt i gcrích i gcomhréir le dlí agus beartas an Aontais agus faoi chuimsiú a n-inniúlachtaí faoi seach. ***I gcás ina bhforáiltear dó le gníomh de chuid an Aontais, ba cheart an deis a bheith ag an nGníomhaireacht dul i gcomhar le heagraíochtaí idirnáisiúnta agus eintitis ábhartha eile, agus ba cheart di a bheith in ann socruithe oibre a thabhairt i gcrích leo chun na críche sin.*** Ba cheart formheas roimh ré ón gCoimisiún a fháil do na socruithe oibre sin ***agus ba cheart don Bhord Bainistíochta iad a údarú.*** Ba cheart don Ghníomhaireacht freisin dul i gcomhairle le Gníomhaireacht an Aontais Eorpaigh um Shlándáil Gréasáin agus Faisnéise (ENISA) maidir le slándáil líonraí, más iomchuí, agus ba cheart di obair leantach a dhéanamh ar na moltaí sin, i gcás inarb iomchuí.
- (35) Nuair a bheidh forbairt agus bainistiú oibríochtúil córas mórsála TF á n-áirithiú aici, ba cheart don Ghníomhaireacht caighdeáin Eorpacha agus caighdeáin idirnáisiúnta a chomhlíonadh, agus na ceanglais ghairmiúla is airde á gcur san áireamh aici, go háirithe Straitéis an Aontais Eorpaigh um Bainistiú Faisnéise.

- (36) Ba cheart feidhm a bheith ag Rialachán (CE) Uimh. 45/2001²⁵ [nó Rialachán XX/2018 ó Pharlaimint na hEorpa agus ón gComhairle maidir le *daoine aonair a chosaint i ndáil le próiseáil* sonraí pearsanta *ag* institiúidí, comhlachtaí, *oifigí agus gníomhaireachtaí an Aontais agus maidir le saorghluaiseacht sonraí den sórt sin, agus lena leasaítear Rialachán (CE) Uimh. 45/2001 agus Cinneadh Uimh. 1247/2002/CE] maidir le próiseáil sonraí pearsanta arna déanamh ag an nGníomhaireacht, *gan dochar do na forálacha maidir le cosaint sonraí a leagtar síos sna hionstraimí reachtacha lena rialaítear forbairt, bunú, oibriú agus úsáid córas mórskála TF, ar cheart iad a bheith comhsheasmhach le Rialachán (CE) Uimh. 45/2001²⁰ [nó Rialachán XX/2018]. Chun an tslándáil a chothabháil agus chun cosc a chur ar phróiseáil de shárú ar Rialachán 45/2001 [nó Rialachán XX/2018] agus ar ionstraimí reachtacha lena rialaítear na córais, ba cheart don Ghníomhaireacht meastóireacht a dhéanamh ar na rioscaí a bhaineann go bunúsach leis an bpróiseáil agus ba cheart di bearta, amhail criptiú, a chur chun feidhme chun na rioscaí sin a mhaolú. Ba cheart leibhéal iomchuí slándála a áirithiú leis na bearta sin, lena n-áirítear rúndacht, agus aird á tabhairt ar staid na teicníochta agus ar na costais a bhaineann le cur chun feidhme maidir leis na rioscaí agus le cineál na sonraí pearsanta atá le cosaint. Agus an riosca maidir le slándáil sonraí á mheasúnú, ba cheart breathnú ar na rioscaí a eascraíonn as próiseáil sonraí pearsanta, amhail scriosadh, cailleadh, athrú, nó nochthead neamhúdaráithe sonraí pearsanta a rinneadh a tharchur, a stóráil nó a phróiseáil ar bhealach éigin eile, nó rochtain neamhúdaráithe ar na sonraí sin, bíodh sé sin de thaisme nó neamhdhleathach, agus ar rioscaí iad a bhféadfadh damáiste fisiciúil, ábhartha agus neamhábhhartha go háirithe teacht astu. Ba cheart don Mhaoirseoir Eorpach ar Chosaint Sonraí a bheith in ann rochtain a fháil ón nGníomhaireacht ar gach faisnéis is gá a bheith aige chun a chuid fiosrúchán a dhéanamh. I gcomhréir le hAirteagal 28 de Rialachán (CE) Uimh. 45/2001, chuaigh an Coimisiún i gcomhairle leis an Maoirseoir Eorpach ar Chosaint Sonraí, agus thug sé uaidh a thuairim an **10 Deireadh Fómhair 2017**.**

²⁵ Rialachán (CE) Uimh. 45/2001 ó Pharlaimint na hEorpa agus ón gComhairle an 18 Nollaig 2000 maidir le daoine aonair a chosaint i ndáil le próiseáil sonraí pearsanta ag institiúidí agus comhlachtaí an Chomhphobail agus maidir le saorghluaiseacht sonraí den sórt sin (IO L 8, 12.1.2001, lch. 1).

- (37) Chun oibriú trédhearcach na Gníomhaireachta a áirithiú, ba cheart feidhm a bheith ag Rialachán (CE) Uimh. 1049/2001 ó Pharlaimint na hEorpa agus ón gComhairle²⁶ maidir leis an nGníomhaireacht. Ba cheart an Ghníomhaireacht a bheith chomh trédhearcach agus is féidir maidir lena cuid gníomhaíochtaí, agus fós gan baint amach an chuspóra atá lena cuid oibríochtaí a chur i mbaol. Ba cheart di faisnéis faoina cuid gníomhaíochtaí uile a chur ar fáil go poiblí. Ar an mbealach céanna, ba cheart di a áirithiú go dtabharfar faisnéis faoina cuid oibre go mear don phobal agus d'aon pháirtí leasmhar.
- (38) Ba cheart gníomhaíochtaí na Gníomhaireachta a bheith faoi réir ghrinnscrúdú an Ombudsman Eorpaigh i gcomhréir le hAirteagal 228 CFAE.
- (39) Ba cheart feidhm a bheith ag Rialachán (AE, Euratom) Uimh. 883/2013 ó Pharlaimint na hEorpa agus ón gComhairle²⁷ maidir leis an nGníomhaireacht, agus ba cheart di aontú do Chomhaontú Idirinstitiúideach an 25 Bealtaine 1999 idir Parlaimint na hEorpa, Comhairle an Aontais Eorpaigh agus Coimisiún na gComhphobal Eorpach maidir le himscrúduithe inmheánacha arna ndéanamh ag an Oifig Eorpach Frith-Chalaoise (OLAF)²⁸.

²⁶ Rialachán (CE) Uimh. 1049/2001 ó Pharlaimint na hEorpa agus ón gComhairle an 30 Bealtaine 2001 maidir le rochtain phoiblí ar dhoiciméid Pharlaimint na hEorpa, na Comhairle agus an Choimisiúin (IO L 145, 31.5.2001, lch. 43).

²⁷ Rialachán (AE, Euratom) Uimh. 883/2013 ó Pharlaimint na hEorpa agus ón gComhairle an 11 Meán Fómhair 2013 maidir le himscrúduithe arna ndéanamh ag an Oifig Eorpach Frith-Chalaoise (OLAF) agus lena n-aisghairtear Rialachán (CE) Uimh. 1073/1999 ó Pharlaimint na hEorpa agus ón gComhairle agus Rialachán (Euratom) Uimh. 1074/1999 ón gComhairle (IO L 248, 18.9.2013, lch. 1).

²⁸ IO L 136, 31.5.1999, lch. 15.

- (39a) *Ba cheart go mbeadh feidhm ag Rialachán (AE) Uimh. 2017/1939²⁹ ón gComhairle maidir le hOifig an Ionchúisitheora Phoiblí Eorpaigh a bhunú i leith na Gníomhaireachta.*
- (40) Chun coinníollacha fostaíochta oscailte trédhearcacha a áirithiú agus chun a áirithiú go gcaithfear go cothrom le daoine den fhoireann, ba cheart feidhm a bheith ag Rialacháin Foirne Oifigigh an Aontais Eorpaigh ("na Rialacháin Foirne") agus Coinníollacha Fostaíochta Sheirbhísigh eile an Aontais Eorpaigh ("Coinníollacha Fostaíochta Seirbhíseach Eile") a leagtar síos i Rialachán (CEE, Euratom, CEGC) Uimh. 259/68³⁰ (dá ngairtear le chéile "na Rialacháin Foirne"), maidir leis an bhfoireann (lena n-áirítear Stiúrthóir Feidhmiúcháin *agus Leas-Stiúrthóir Feidhmiúcháin* na Gníomhaireachta), lena n-áirítear na rialacha rúndachta gairmiúla nó dualgais choibhéiseacha eile rúndachta.

²⁹ *Rialachán (AE) 2017/1939 ón gComhairle an 12 Deireadh Fómhair 2017 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIPE') (IO L 283, 31.10.2017, lch. 1).*

³⁰ Rialachán (CEE, Euratom, CEGC) Uimh. 259/68 an 29 Feabhra 1968 ón gComhairle ag leagan síos Rialacháin Foirne Oifigigh na gComhphobal Eorpach agus Coinníollacha Fostaíochta Sheirbhísigh eile na gComhphobal Eorpach agus ag tionscnamh beart speisialta is infheidhme ar bhonn sealadach maidir le hoifigigh an Choimisiúin (IO L 56, 4.3.1968, lch. 1).

- (41) Is comhlacht arna bhunú ag an Aontas de réir bhrí Airteagal 208 de Rialachán (AE, Euratom) Uimh. 966/2012 í an Ghníomhaireacht agus ba cheart di a rialacha airgeadais a ghlacadh dá réir sin.
- (42) Ba cheart feidhm a bheith ag Rialachán Tarmligthe (AE) Uimh. 1271/2013³¹ ón gCoimisiún maidir leis an nGníomhaireacht.
- (42a) *Tagann an Ghníomhaireacht a bhunaítear leis an Rialachán seo in ionad agus i gcomharbacht ar an nGníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais a bhunaítear le Rialachán (AE) Uimh. 1077/2011. Is ceart, mar sin gurb í a bheidh ina comharba dlíthiúil i ndáil le gach Conradh a dhéanfaidh an Ghníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais mar a bhunaítear le Rialachán (AE) Uimh. 1077/2011, a chur i gcrích, agus i ndáil le gach dlíteanas is dlite di nó i ndáil le gach maoin arna sealbhú di. Níor cheart don Rialachán seo difear a dhéanamh d'fheidhm dhlíthiúil aon chomhaontú, aon socruithe oibre ná meabhráin tuisceana arna dtabhairt i gcrích ag an nGníomhaireacht arna bunú le Rialachán (AE) Uimh. 1077/2011 gan dochar d'aon leasuithe arna ndéanamh orthu de bhun an Rialacháin seo.*

³¹ Rialachán Tarmligthe (AE) Uimh. 1271/2013 ón gCoimisiún an 30 Meán Fómhair 2013 maidir leis an rialachán réime airgeadais do na comhlachtaí dá dtagraítear in Airteagal 208 de Rialachán (AE, Euratom) Uimh. 966/2012 ó Pharlaimint na hEorpa agus ón gComhairle (IO L 328, 7.12.2013, lch. 42).

- (42b) *Chun go mbeidh an Gníomhaireacht in ann leanúint dá cúraimí a chomhlíonadh maidir le bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais arna bunú le Rialachán (AE) Uimh. 1077/2011 a mhéid is féidir, ba cheart bearta idirthréimhseacha a leagan síos, go háirithe maidir leis an mBord Bainistíochta, maidir leis an nGrúpa Comhairleach, maidir leis an Stiúrthóir Feidhmiúcháin agus maidir leis na rialacha inmheánacha arna nglacadh ag an mBord Bainistíochta.*
- (42c) *Is é is aidhm don Rialachán seo forálacha Rialachán (AE) Uimh. 1077/2011 a leasú agus a leathnú. I bhfianaise a shuntasáí atá na leasuithe atá le déanamh ó thaobh a lín agus a gcineáil araon, ba cheart, ar mhaithe le soiléire, gníomh nua a chur in ionad an Rialacháin sin ina iomláine maidir leis na Ballstáit atá faoi cheangal ag an Rialachán seo. Ba cheart don Gníomhaireacht arna bunú leis an Rialachán seo teacht in ionad na Gníomhaireachta arna bunú le Rialachán (AE) 1077/2011 agus ba cheart di feidhmeanna na Gníomhaireachta a ghlacadh chuici féin, agus ba cheart, mar thoradh air sin, an Rialachán sin a aisghairm.*

- (43) Ós rud é nach féidir leis na Ballstáit cuspóirí an Rialacháin seo a bhaint amach go leordhóthanach, eadhon Gníomhaireacht a bhunú ar leibhéal an Aontais, ar gníomhaireacht í a bheidh freagrach as bainistiú oibríochtúil, agus, más iomchuí, as forbairt córas mórsála TF sa limistéar saoirse, slándála agus ceartais, agus ós rud é gur fearr, dá bhrí sin, is féidir iad a bhaint amach ar leibhéal an Aontais de bharr fhairsinge agus iarmhairtí an bhirt, féadfaidh an tAontas bearta a ghlacadh i gcomhréir le prionsabal na coimhdeachta a leagtar amach in Airteagal 5 CAE. I gcomhréir le prionsabal na comhréireachta a leagtar amach san Airteagal sin, ní théann an Rialachán seo thar a bhfuil riachtanach chun na cuspóirí sin a ghnóthú.

(44) I gcomhréir le hAirteagal 1 agus le hAirteagal 2 de Phrótacal Uimh. 22 maidir le Seasamh na Danmhairge, atá i gceangal le CAE agus le CFAE, níl an Danmhairg rannpháirteach i nglacadh an Rialacháin seo agus níl sé ina cheangal ar an Danmhairg ná níl sí faoi réir a chur i bhfeidhm. Ós rud é go gcuireann an Rialachán seo, a mhéid a bhaineann sé le SIS II agus VIS, ■ le EES ■ agus ETIAS ■ le acquis Schengen, cinnfidh an Danmhairg, i gcomhréir le hAirteagal 4 den Phrótacal sin, laistigh de thréimhse sé mhí ón dáta a nglacfar an Rialachán seo, an gcuirfidh sí chun feidhme ina dlí náisiúnta é. I gcomhréir le hAirteagal 3 den Chomhaontú idir an Comhphobal Eorpach agus Ríocht na Danmhairge maidir leis na critéir agus na sásraí lena gcinntear an Stát a bheidh freagrach as scrúdú a dhéanamh ar iarraidh ar thearmann arna taisceadh sa Danmhairg nó in aon Bhallstát eile den Aontas Eorpach agus arna taisceadh in "Eurodac" chun comparáid a dhéanamh idir méarloirg chun Coinbhinsiún Bhaile Átha Cliath³² a chur i bhfeidhm go héifeachtach, ní mór don Danmhairg fógra a thabhairt don Choimisiún á rá an ndéanfaidh sí inneachar an Rialacháin seo a chur chun feidhme, a mhéid a bhaineann sé le Eurodac *agus DubliNet*.

³² IO L 66, 8.3.2006, lch.38.

- (45) A mhéid a bhaineann a chuid forálacha le SIS **II** arna rialú ag Cinneadh 2007/533/CGB, tá an Ríocht Aontaithe rannpháirteach sa Rialachán seo, i gcomhréir le hAirteagal 5(1) de Phrótacal Uimh. 19 maidir le acquis Schengen arna lánpháirtiú i gcreat an Aontais Eorpaigh, atá i gceangal le CAE agus le CFAE (Prótacal maidir le acquis Schengen) agus i gcomhréir le hAirteagal 8(2) de Chinneadh 2000/365/CE ón gComhairle³³.

A mhéid a bhaineann a chuid forálacha le SIS **II** arna rialú le Rialachán (CE) Uimh. 1987/2006 agus a mhéid a bhaineann siad le VIS ■ , le EES ■ agus le ETIAS, **is é atá sa Rialachán seo forbairt** ar fhorálacha acquis Schengen nach bhfuil Éire rannpháirteach iontu, i gcomhréir le Cinneadh 2000/365/CE. Féadfaidh **an** Ríocht Aontaithe a iarraidh ar Uachtarán na Comhairle go n-údarófaí di a bheith rannpháirteach i nglacadh an Rialacháin seo, i gcomhréir le hAirteagal 4 den Phrótacal maidir le acquis Schengen.

Ina theannta sin, a mhéid a bhaineann a fhorálacha le Eurodac agus **DubliNet, thug an Ríocht Aontaithe fógra, an 23 Deireadh Fómhair 2017, gur mian léi a bheith rannpháirteach i nglacadh agus cur i bhfeidhm an Rialacháin seo.**

³³ Cinneadh 2000/365/CE ón gComhairle an 29 Bealtaine 2000 maidir leis an iarraidh ó Ríocht Aontaithe na Breataine Móire agus Thuaisceart Éireann a bheith rannpháirteach i roinnt forálacha de acquis Schengen (IO L 131, 1.6.2000, lch. 43).

- (46) A mhéid a bhaineann a fhorálacha le SIS II mar a rialaítear le Cinneadh 2007/533/JHA, tá Éire rannpháirteach sa Rialachán seo i gcomhréir le hAirteagal 5(1) de Phrótacal Uimh. 19 maidir le acquis Schengen arna lánpháirtiú i gcreat an Aontais Eorpaigh a ghabhann le CAE agus le CFAE (an Prótacal maidir le Schengen), agus i gcomhréir le hAirteagal 6(2) de Chinneadh 2002/192/CE ón gComhairle³⁴.

A mhéid a bhaineann a chuid forálacha le SIS **II** mar a rialaítear é le Rialachán (CE) Uimh. 1987/2006 agus a mhéid a bhaineann siad le VIS ■, le EES ■ agus le ETIAS ■ ar forálacha iad is ionann le forbairt ar fhorálacha de chuid acquis Schengen nach nglacann Éire páirt iontu i gcomhréir le Cinneadh 2002/192/CE ón gComhairle, féadfaidh Éire a iarraidh a chur faoi bhráid Uachtarán na Comhairle, go n-údarófaí di a bheith rannpháirteach i nglacadh an Rialacháin seo, i gcomhréir le hAirteagal 4 **den** Phrótacal maidir le acquis Schengen.

Thairis sin, a mhéid a bhaineann a fhorálacha le Eurodac agus **DubliNet**, i gcomhréir le **hAirteagal 1, le hAirteagal 2 agus le hAirteagal 4a(1)** de Phrótacal Uimh. 21 maidir le seasamh na Ríochta Aontaithe agus na hÉireann i dtaca leis an limistéar saoirse, slándála agus ceartais, atá i gceangal le CAE agus le CFAE, **agus gan dochar d'Airteagal 4 den Phrótacal sin**, níl Éire rannpháirteach i nglacadh an Rialacháin seo agus **níl** an Rialachán seo **ina cheangal orthu** ná níl siad faoi réir a chur i bhfeidhm. ■

³⁴ Cinneadh 2002/192/CE ón gComhairle an 28 Feabhra 2002 maidir leis an iarraidh ó Éirinn a bheith rannpháirteach i roinnt forálacha de acquis Schengen (IO L 64, 7.3.2002, lch. 20).

(47) Maidir leis an Íoslainn agus an Iorua, is é atá sa Rialachán seo, a mhéid a bhaineann sé le SIS II agus VIS, le EES agus le ETIAS, forbairt ar fhorálacha acquis Schengen de réir bhrí an Chomhaontaithe arna thabhairt i gcrích idir Comhairle an Aontais Eorpaigh agus Poblacht na hÍoslainne agus Ríocht na hIorua maidir leis an mbaint atá ag an dá Stát sin le acquis Schengen a chur chun feidhme, a chur i bhfeidhm agus a fhorbairt³⁵, ar forálacha iad a thagann faoi réim an réimse dá dtagraítear i bpointe A, pointe B agus pointe G d'Airteagal 1 de Chinneadh 1999/437/CE³⁶. Maidir le Eurodac **agus DubliNet**, is ionann an Rialachán seo agus beart nua de réir bhrí an Chomhaontaithe idir an Comhphobal Eorpach agus Poblacht na hÍoslainne agus Ríocht na hIorua maidir leis na critéir agus na sásraí lena gcinntear cén Ballstát a bheidh freagrach as scrúdú a dhéanamh ar iarraidh ar thearmann arna taisceadh i mBallstát nó san Íoslann nó san Iorua³⁷. Dá thoradh sin, agus faoi réir a gcinnidh é a chur chun feidhme ina ndlíchóras inmheánach, ba cheart do thoscaireachtaí Phoblacht na hÍoslainne agus Ríocht na hIorua a bheith rannpháirteach ar Bhord Bainistíochta na Gníomhaireachta. Chun rialacha mionsonraithe breise a chinneadh lena gceadófaí do Phoblacht na hÍoslainne agus do Ríocht na hIorua a bheith rannpháirteach i ngníomhaíochtaí na Gníomhaireachta, ba cheart socrú breise a thabhairt i gcrích idir an tAontas agus na Stáit sin.

³⁵ IO L 176, 10.7.1999, lch. 36.

³⁶ Cinneadh 1999/437/CE ón gComhairle an 17 Bealtaine 1999 maidir le socrúithe áirithe i dtaca le cur i bhfeidhm an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá thír sin le acquis Schengen a chur chun feidhme, a chur i bhfeidhm agus a fhorbairt (IO L 176, 10.7.1999, lch. 31).

³⁷ IO L 93, 3.4.2001, lch. 40.

(48) Maidir leis an Eilvéis, is é atá sa Rialachán seo, a mhéid a bhaineann sé le SIS II agus VIS, le EES agus le ETIAS forbairt ar fhorálacha acquis Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le acquis Schengen a chur chun feidhme, a chur i bhfeidhm agus a fhorbairt³⁸, ar forálacha iad a thagann faoi réim an réimse dá dtagraítear i bpointe A, pointe B agus pointe G d'Airteagal 1 de Chinneadh 1999/437/CE arna léamh i gcomhar le hAirteagal 3 de Chinneadh 2008/146/CE ón gComhairle³⁹. Maidir le Eurodac agus **DubliNet**, is ionann an Rialachán seo agus beart nua a bhaineann le Eurodac de réir bhrí an Chomhaontaithe idir an Comhphobal Eorpach agus Cónaidhm na hEilvéise maidir leis na critéir agus na sásraí lena gcinntear an Stát atá freagrach as scrúdú a dhéanamh ar iarraidh ar thearmann arna taisceadh i mBallstát nó san Eilvéis⁴⁰. Dá thoradh sin, agus faoi réir a cinnidh é a chur chun feidhme ina dlíchóras inmheánach, ba cheart do thoscaireacht Chónaidhm na hEilvéise a bheith rannpháirteach ar Bhord Bainistíochta na Gníomhaireachta. Chun rialacha mionsonraithe breise a chinneadh lena gceadófaí do Chónaidhm na hEilvéise a bheith rannpháirteach i ngníomhaíochtaí na Gníomhaireachta, ba cheart socrú breise a thabhairt i gcrích idir an tAontas agus Cónaidhm na hEilvéise.

³⁸ IO L 53, 27.2.2008, lch. 52.

³⁹ Cinneadh 2008/146/CE ón gComhairle an 28 Eanáir 2008 maidir le tabhairt i gcrích an Chomhaontaithe, ar son an Chomhphobail Eorpaigh, idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le acquis Schengen a chur chun feidhme, a chur i bhfeidhm agus a fhorbairt (IO L 53, 27.2.2008 lch. 1).

⁴⁰ IO L 53, 27.2.2008, lch. 5.

(49) Maidir le Lichtinstéin, is é atá sa Rialachán seo, a mhéid a bhaineann sé le SIS II agus VIS, [le EES] agus le ETIAS forbairt ar fhorálacha acquis Schengen de réir bhrí an Phrótacail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le acquis Schengen a chur chun feidhme, a chur i bhfeidhm agus a fhorbairt, ar fhorálacha iad⁴¹ a thagann faoi réim an réimse dá dtagraítear i bpointe A, pointe B agus pointe G d'Airteagal 1 de Chinneadh 1999/437/CE arna léamh i gcomhar le hAirteagal 3 de Chinneadh 2011/350/AE ón gComhairle⁴². Maidir le Eurodac agus **DubliNet**, is ionann an Rialachán seo agus beart nua de réir bhrí an Phrótacail idir an Comhphobal Eorpach, Cónaidhm na hEilvéise agus Prionsacht Lichtinstéin maidir le comhlachas Phrionsacht Lichtinstéin leis an gComhaontú idir an Comhphobal Eorpach agus Cónaidhm na hEilvéise i ndáil leis na critéir agus na sásraí lena gcinntear an Ballstát atá freagrach as scrúdú a dhéanamh ar iarraidh ar thearmann arna taisceadh i mBallstát nó san Eilvéis⁴³. Dá thoradh sin, agus **faoi réir a cinnidh é a chur chun feidhme ina dlíchóras inmheánach**, ba cheart do thoscaireacht Phrionsacht Lichtinstéin a bheith rannpháirteach ar Bhord Bainistíochta na Gníomhaireachta. Chun rialacha mionsonraithe breise a chinneadh lena gceadófaí do Phrionsacht Lichtinstéin a bheith rannpháirteach i ngníomhaíochtaí na Gníomhaireachta, ba cheart socrú breise a thabhairt i gcrích idir an tAontas agus Prionsacht Lichtinstéin,

TAR ÉIS AN RIALACHÁN SEO A GHLACADH:

⁴¹ IO L 160, 18.6.2011, lch.21.

⁴² Cinneadh 2011/350/AE ón gComhairle an 7 Márta 2011 maidir le tabhairt i gcrích an Phrótacail, ar son an Aontais Eorpaigh, idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le acquis Schengen a chur chun feidhme, a chur i bhfeidhm agus a fhorbairt, a bhaineann le seiceálacha ag na teorainneacha inmheánacha a dhíothú agus le gluaiseacht daoine (IO L 160, 18.6.2011, lch. 19).

⁴³ IO L 160, 18.6.2011, lch. 39.

CAIBIDIL I

ÁBHAR

Airteagal 1

Ábhar

1. **Bunaítear leis seo** gníomhaireacht an Aontais Eorpaigh chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais (an Gníomhaireacht).
- 1a. *Tiocfaidh an Gníomhaireacht a bhunaítear leis an Rialachán seo in ionad na Gníomhaireachta Eorpaí chun bainistiú oibríochtúil a dhéanamh ar chórais mhórsála faisnéise sa limistéar saoirse, slándála agus ceartais* a bunaíodh le Rialachán (AE) Uimh. 1077/2011, *agus is í a thiocfaidh i gcomharbacht ar an nGníomhaireacht sin freisin.*
2. Is í an Gníomhaireacht a bheidh freagrach as bainistiú oibríochtúil a dhéanamh ar Chóras Faisnéise Schengen (SIS), ar an gCóras Faisnéise Víosáí (VIS) agus ar Eurodac.
3. **Is í an Gníomhaireacht a bheidh freagrach as ullmhú, forbairt agus/nó bainistiú oibríochtúil an** **Chórais Dul Isteach/Imeachta (EES)**⁴⁴, **DubliNet**⁴⁵, **agus an Chórais an Aontais Eorpaigh um Fhaisnéis agus Údarú Taistil (ETIAS)**⁴⁶.

⁴⁴ Tá foráil déanta maidir leis na leasuithe a bhaineann le EES sa togra maidir le EES. D'fhéadfaidís a bheith faoi réir leasuithe le linn an chaibidlíocht a thabhairt i gcrích le Parlaimint na hEorpa agus leis an gComhairle.

⁴⁵ Rinneadh foráil maidir leis na leasuithe ar Rialachán eu-LISA maidir le DubliNET sa togra maidir le hathmhúnlú Rialachán Eurodac, agus tá siad faoi réir an togra sin a ghlacadh.

⁴⁶ Ní dhearnadh foráil maidir leis na leasuithe ar Rialachán eu-LISA maidir le ETIAS sa togra maidir le ETIAS, ach d'fhéadfaí iad a chur isteach le linn na caibidlíocjtaar an téacs sin. Ar aon nós, tá siad faoi réir an togra sin a ghlacadh.

4. Maidir le hullmhú, forbairt agus bainistiú oibríochtúil córas mórscála TF sa limistéar saoirse, slándála agus ceartais cé is moite de na córais sin dá dtagraítear i mír 2 agus i mír 3, lena n-áirítear córais atá i bhfeidhm cheana, i gcás ina bhforáiltear amhlaidh le hionstraimí reachtacha ábhartha *lena rialaítear na córais sin*, arna mbunú ar Airteagal 67 go hAirteagal 89 CFAE, agus sa chás sin amháin, agus na forbairtí i dtaighde dá dtagraítear in Airteagal 10 den Rialachán seo agus torthaí na dtreoirthionscadal agus na gcruthúnas coincheapa dá dtagraítear in Airteagal 11 den Rialachán seo á gcur san áireamh, más iomchuí, féadfar iad a chur de chúram ar an nGníomhaireacht.
5. Is éard a bheidh sa bhainistiú oibríochtúil, na cúraimí uile is gá chun feidhmiú córas mórscála TF a choinneáil ar bun i gcomhréir leis na forálacha sonracha is infheidhme maidir le gach ceann acu, lena n-áirítear freagracht as an mbonneagar cumarsáide a úsáideann na córais. Ní dhéanfaidh na córais mhórscála TF sin sonraí a mhalartú ná ní chumasóidh siad roinnt faisnéise ná eolais, mura bhforáiltear amhlaidh i mbunús dlí sonrach.

6. Beidh an méid seo a leanas de chúram ar an nGníomhaireacht freisin:

cáilíocht sonraí a áirithiú i gcomhréir le hAirteagal 8;

- na bearta is gá a fhorbairt chun idir-inoibritheacht a chumasú i gcomhréir le hAirteagal 9;
- gníomhaíochtaí taighde a dhéanamh i gcomhréir le hAirteagal 10;
- treoirthionscadail, cruthúnais choincheapa agus gníomhaíochtaí tástála a dhéanamh i gcomhréir le hAirteagal 11; agus
- tacaíocht a thabhairt do na Ballstáit agus don Choimisiún i gcomhréir le hAirteagal 12.

Airteagal 2

Cuspóirí

Gan dochar do fhreagrachtaí ábhartha an Choimisiúin agus na mBallstát faoi na hionstraimí reachtacha lena rialaítear córais mhórsála TF, áiríteoidh an Ghníomhaireacht an méid seo a leanas:

- (a) forbairt córas mórsála TF trí úsáid a bhaint as struchtúr leordhóthanach um bainistíocht tionscadal chun córais mhórsála TF a fhorbairt go héifeachtúil;
- (b) oibriú éifeachtach slán leanúnach córas mórsála TF;
- (c) bainistiú éifeachtúil, atá cuntasach ó thaobh airgeadais de, ar chórais mhórsála TF;
- (d) cáilíocht sách ard seirbhíse i gcomhair úsáideoirí córas mórsála TF;
- (e) leanúnachas agus seirbhís gan bhriseadh;
- (f) ardleibhéal cosanta sonraí, i gcomhréir le *dlí an Aontais maidir le cosaint sonraí*, lena n-áirítear forálacha sonracha i gcomhair gach córais mórsála TF;
- (g) leibhéal iomchuí slándála sonraí agus slándála fisiciúla, i gcomhréir leis na rialacha is infheidhme, lena n-áirítear forálacha sonracha i gcomhair gach córais mórsála TF;

CAIBIDILII
CÚRAIMÍ NA GNÍOMHAIREACHTA

Airteagal3

Cúraimí a bhaineann le SIS ***II***

I ndáil le SIS II, déanfaidh an Ghníomhaireacht an méid seo a leanas:

- (a) na cúraimí arna dtabhairt don Údarás Bainistíochta le Rialachán (CE) Uimh. 1987/2006 agus le Cinneadh 2007/533/JHA **II** ;
- (b) cúraimí a bhaineann le hoiliúint ar úsáid theicniúil SIS II, go háirithe i gcomhair fhoireann SIRENE (SIRENE — Iarraidh ar Fhaisnéis fhorlíontach ag na Bealaí Isteach Náisiúnta) agus oiliúint saineolaithe ar ghnéithe teicniúla SIS I faoi chuimsiú mheastóireacht Schengen.

Airteagal 4

Cúraimí a bhaineann le VIS

I ndáil le VIS, déanfaidh an Ghníomhaireacht an méid seo a leanas:

- (a) na cúraimí arna dtabhairt don Údarás Bainistíochta le Rialachán (CE) Uimh. 767/2008 agus le Cinneadh 2008/633/JHA;
- (b) cúraimí a bhaineann le hoiliúint ar úsáid theicniúil VIS ***agus oiliúint saineolaithe i ngnéithe teicniúla VIS faoi chuimsiú mheastóireacht Schengen.***

Airteagal 5

Cúraimí a bhaineann le Eurodac

I ndáil le Eurodac, déanfaidh an Ghníomhaireacht an méid seo a leanas:

- (a) na cúraimí arna dtabhairt di le Rialachán (AE) 603/2013 **■** ;
- (b) cúraimí a bhaineann le hoiliúint ar úsáid theicniúil Eurodac.

■ Airteagal 5a

Cúraimí a bhaineann le EES

I ndáil le EES, déanfaidh an Ghníomhaireacht an méid seo a leanas:

- (a) na cúraimí arna dtabhairt di le Rialachán **(AE) 2017/2226**;
- (b) cúraimí a bhaineann le hoiliúint ar úsáid theicniúil EES ***agus oiliúint saineolaithe i ngnéithe teicniúla EES faoi chuimsiú mheastóireacht Schengen.***

■ Airteagal 5b

Cúraimí a bhaineann le ETIAS

I ndáil le ETIAS, déanfaidh an Ghníomhaireacht an méid seo a leanas:

- (a) cúraimí arna dtabhairt di le Rialachán XX/XX (uimhir cheart Rialachán COD 2016/0357A ó ***Pharlaimint na hEorpa agus ón gComhairle*** lena mbunaítear Córas an Aontais Eorpaigh um Fhaisnéis agus Údarú Taistil (ETIAS) agus lena leasaítear Rialachán ***(AE) Uimh. 1077/2011, (AE) Uimh. 515/2014, (AE)2016/1624, agus (AE)2017/2226 le cur isteach***];
- (b) cúraimí a bhaineann le hoiliúint ar úsáid theicniúil ETIAS ***agus oiliúint saineolaithe i ngnéithe teicniúla ETIAS faoi chuimsiú mheastóireacht Schengen.***

Airteagal 5c

Cúraimí a bhaineann le DubliNet⁴⁷

I ndáil le DubliNet, déanfaidh an Ghníomhaireacht an méid seo a leanas:

- (a) ***bainistiú oibríochtúil DubliNet, bealach slán ar leithligh um tharchur leictreonach idir na húdaráis sna Ballstáit, arna bhunú faoi Airteagal 18 de Rialachán (CE) Uimh. 1560/2003 chun na gcríoch a leagtar amach in Airteagail 31, 32 agus 34 de Rialachán (AE) Uimh. 604/2013 ó Pharlaimint na hEorpa agus ón gComhairle***⁴⁸;
- (b) **cúraimí a bhaineann le hoiliúint ar úsáid theicniúil DubliNet.**

■

⁴⁷ Aistríodh an tacaíocht theicniúil d'fheidhmiú oibríochtúil DubliNet ón gCoimisiún chuig eu-LISA trí chomhaontú ar leibhéal na seirbhíse an 31 Iúil 2014. Choinnigh an Coimisiún bainistiú buiséadach agus airgeadais na gconarthaí atá ann cheana a bhaineann le DubliNet chomh maith le cur i gcrích na gconarthaí nua is gá lena oibriú. Cuireadh foráil isteach sa togra le haghaidh athmhúnlú Eurodac chun na cúraimí uile a bhaineann le le bainistiú oibríochtúil DubliNet a aistriú. Mar sin féin, toisc go bhfuil an chaibidlíocht maidir le Eurodac fós ar siúl agus gur gá tagairtí don togra sin sa Rialachán seo a scríosadh, agus toisc go bhfuil sé tábhachtach feidhmiú oibríochtúil DubliNet a aistriú chuig an nGníomhaireacht go foirmiúil, áiríodh an fhoráil ábhartha sa togra seo agus scríosfar í ón togra d'athmhúnlú Eurodac.

⁴⁸ Rialachán (AE) Uimh. 604/2013 ó Pharlaimint na hEorpa agus ón gComhairle an 26 Meitheamh 2013 lena mbunaítear na critéir agus na sásraí lena gcinntear cé acu Ballstát atá freagrach as scrúdú a dhéanamh ar iarratas ar chosaint idirnáisiúnta arna thaisceadh i gceann de na Ballstáit ag náisiúnach tríú tír nó ag duine gan stát (IO L 180, 29.6.2013, lch. 31).

Airteagal 6

Cúraimí a bhaineann le hullmhú, le forbairt agus le bainistiú oibríochtúil córas eile mórsála TF

Nuair a chuirtear ullmhú, forbairt agus bainistiú oibríochtúil na gcóras eile mórsála TF dá dtagraítear in Airteagal 1(4) de chúram ar an nGníomhaireacht, déanfaidh sí na cúraimí arna dtabhairt di de bhun na hionstraime reachtaí lena rialaítear an córas ábhartha, mar aon leis na cúraimí a bhaineann le hoiliúint ar úsáid theicniúil na gcóras sin, de réir mar is iomchuí.

Airteagal 6a

Réitigh theicniúla lena gceanglaítear coinníollacha sonracha roimh an gcur chun feidhme

Nuair a cheanglaíonn na hionstraimí reachtacha lena rialaítear na córais atá faoi fhreagracht na Gníomhaireachta ar an nGníomhaireacht na córais sin a choinneáil ag feidhmiú 24 uair an chloig in aghaidh an lae, 7 lá na seachtaine agus gan dochar do na hionstraimí reachtacha sin, cuirfidh an Ghníomhaireacht réitigh theicniúla chun feidhme chun na ceanglais sin a chomhlíonadh. I gcás go n-éilíonn na réitigh theicniúla sin dúbláil córais nó dúbláil na gcomhpháirteanna i gcóras, ní chuirfear i bhfeidhm iad go dtí go ndéanfar measúnú tionchair agus anailís costas agus sochar neamhspleách, arna gcoimisiúnú ag an nGníomhaireacht agus go dtí go rachfar i gcomhairle leis an gCoimisiún agus go dtí go bhfaighfear cinneadh dearfach ón mBord Bainistíochta. Mar chuid de mheasúnú den sórt sin, déanfar scrúdú ar na riachtanais ó thaobh acmhainn óstála na láithreán teicniúil atá cheana ann a bhaineann le forbairt na réiteach sin agus na rioscaí a d'fheadfadh a bheith ann don leagan amach oibríochtúil reatha.

Airteagal 7

Cúraimí a bhaineann leis an mbonneagar cumarsáide

1. Déanfaidh an Ghníomhaireacht na cúraimí ar fad a bhaineann le bonneagair chumarsáide na gcóras arna n-oibriú ag an nGníomhaireacht arna dtabhairt dó leis na hionstraimí reachtacha a rialaíonn na córais mhórsála TF arna n-oibriú ag an nGníomhaireacht, cé is moite de na córais sin a úsáideann EuroDomain le haghaidh a mbonneagair cumarsáide agus a mbeidh an Coimisiún freagrach astu maidir le cur chun feidhme an bhuiséid, fáil agus athnuachan agus ábhair a bhaineann le conarthaí. De réir na n-ionstraimí reachtacha lena rialaítear na córais a úsáideann EuroDomain⁴⁹, déantar na cúraimí a bhaineann leis an mbonneagar cumarsáide (lena n-áirítear an bainistiú oibríochtúil agus slándáil) a roinnt idir an Ghníomhaireacht agus an Coimisiún. Chun comhleanúnachas a áirithiú idir feidhmiú a gcuid freagrachtaí ábhartha, **déanfar** socruithe oibre oibríochtúla idir an Ghníomhaireacht agus an Coimisiún agus déanfar iad a leagan síos i Meabhrán Tuisceana.

⁴⁹ Sin é an cás faoi láthair do Eurodac amháin.

2. Déanfar an bonneagar cumarsáide a bhainistiú agus a rialú go leordhóthanach chun é a chosaint ar bhagairtí, agus chun a shlándáil agus slándáil na gcóras mórsála TF atá faoi chúram na Gníomhaireachta a áirithiú, lena n-áirítear slándáil sonraí a mhalartaítear tríd an mbonneagar cumarsáide.
3. Glacfaidh an Ghníomhaireacht, inter alia, bearta iomchuí lena n-áirítear pleananna slándála chun léitheoireacht neamhúdaraíthe, cóipeáil neamhúdaraíthe, modhnú neamhúdaraíthe nó scriosadh neamhúdaraíthe sonraí pearsanta a chosc le linn aistrithe sonraí pearsanta nó le linn iompar meán sonraí, go háirithe trí bhíthin teicnící criptiúcháin iomchuí. Aon fhaisnéis oibríochtúil a bhaineann leis an gcóras atá i gcúrsaíocht sa bhonneagar cumarsáide, déanfar í a chriptiú.

4. Maidir le cúraimí a bhaineann leis an mbonneagar cumarsáide ***a sheachadadh, a chur ar bun, a chothabháil agus faireachán a dhéanamh air***, féadfar iad a chur ar eintitis sheachtracha de chuid na hearnála príobháidí nó ar chomhlachtaí seachtracha de chuid na hearnála príobháidí i gcomhréir le Rialachán (AE, Euratom) Uimh. 966/2012. ***Déanfar cúraimí den sórt sin faoi fhreagracht na Gníomhaireachta agus faoina dlúthmhaoirseacht.***

Agus na cúraimí sin á ndéanamh ag eintitis sheachtracha nó comhlachtaí seachtracha de chuid na hearnála príobháidí, lena n-áirítear ag an soláthraí líonra, beidh na bearta slándála dá dtagraítear i mír 3 ina gceangal orthu siúd, agus ní bheidh aon rochtain acu ar aon sonraí oibríochtúla arna stóráil i gcórais mhórsála TF arna n-oibriú ag an nGníomhaireacht nó ar shonraí arna n-aistriú ar aon slí tríd an mbonneagar cumarsáide nó chuig malartú SIS II a bhaineann le SIRENE.

5. ***Fanfaidh bainistiú na n-eochracha criptiúcháin faoi inniúlacht na Gníomhaireachta agus ní dhéanfar é a eisfhoinsiú chuig aon eintiteas seachtrach de chuid na hearnála príobháidí. Tá an méid sin gan dochar do na conarthaí atá ann cheana le haghaidh bonneagair chumarsáide SIS II, VIS agus Eurodac.***

Airteagal 8
Cáilíocht sonraí

Gan dochar do fhreagrachtaí na mBallstát maidir leis na sonraí a iontráladh sna córais faoi fhreagracht oibríochtúil na Gníomhaireachta, rachaidh an Ghníomhaireacht, i ndlúthchomhar lena Grúpaí Comhairleacha, i gcomhar leis an gCoimisiún, i mbun oibre chun sásraí uathoibrithe rialaithe maidir le cáilíocht sonraí agus táscairí coiteanna maidir le cáilíocht sonraí a bhunú le haghaidh na gcóras uile sin, agus chun lárstóras a fhorbairt le haghaidh tuairisciú agus staidrimh nach mbeadh ach sonraí anaithnidithe ann, faoi réir forálacha sonracha sna ionstraimí reachtacha lena rialaítear forbairt, bunú, oibriú agus úsáid córas mórsála TF arna mbainistiú ag an nGníomhaireacht.

Airteagal 9
Idir-inoibritheacht

I gcás ina bhfuil idir-inoibritheacht córas mórsála TF sonraithe in ionstraim reachtach ábhartha, déanfaidh an Ghníomhaireacht na bearta is gá a fhorbairt chun an idir-inoibritheacht *sin* a chumasú.

Airteagal 10
Faireachán a dhéanamh ar thaighde

1. Déanfaidh an Ghníomhaireacht faireachán ar na forbairtí i dtaighde is ábhartha do bhainistiú oibríochtúil SIS II, VIS, Eurodac, **■ EES ■**, **■ ETIAS ■**, *DubliNet* agus córais mhórsála TF eile dá dtagraítear in Airteagal 1(4).

2. Féadfaidh an Ghníomhaireacht cuidiú chun na codanna sin den Chreatchlár um Thaighde agus Nuálaíocht a bhaineann le córais mhórsála TF sa limistéar saoirse, slándála agus ceartais a chur chun feidhme. Chun na críche sin, agus i gcás ina ndearna an Coimisiún na cumhachtaí ábhartha a tharmligean chuici, beidh na cúraimí seo a leanas ar an nGníomhaireacht:
- (a) bainistiú ar chuid de chéimeanna cur chun feidhme an chláir, agus ar chuid de na céimeanna i saolré tionscadal áirithe ar bhonn na gclár oibre ábhartha arna nglacadh ag an gCoimisiún;
 - (b) na hionstraimí forghníomhúcháin buiséid agus na hionstraimí ioncaim agus caiteachais a ghlacadh, agus na hoibríochtaí uile is gá a dhéanamh chun an clár a bhainistiú;
 - (c) tacaíocht a chur ar fáil chun an clár a chur chun feidhme.
3. Déanfaidh an Ghníomhaireacht Parlaimint na hEorpa, an Chomhairle, an Coimisiún, agus i gcásanna ***a bhaineann*** le próiseáil sonraí ***pearsanta***, an Maoirseoir Eorpach ar Chosaint Sonraí, a choimeád ar an eolas, ar bhonn rialta ***agus uair amháin sa bhliain ar a laghad***, maidir leis na forbairtí dá dtagraítear ***san Airteagal seo gan dochar do na ceanglais i ndáil le tuairisciú a bhaineann le codanna den Chreatchlár um Thaighde agus Nuálaíocht a chur chun feidhme***.

Airteagal 11

Treoirthionscadail, cruthúnais choincheapa agus gníomhaíochtaí tástála

1. Arna iarraidh sin go sonrach beacht don Choimisiún tar éis dó Parlaimint na hEorpa agus an Chomhairle a chur ar an eolas trí mhí roimh ré ar a laghad, agus tar éis don Bhord Bainistíochta cinneadh a dhéanamh, féadfaidh an Ghníomhaireacht, i gcomhréir le hAirteagal 15(1)(t) den Rialachán seo, treoirthionscadail a chur i gcrích dá dtagraítear in Airteagal 54(2)(a) de Rialachán (AE, Euratom) Uimh. 966/2012 maidir le forbairt nó bainistiú oibríochtúil córas mórsála TF, i gcur i bhfeidhm Airteagal 67 go hAirteagal 89 CFAE, i gcomhréir le hAirteagal 58(1)(c) de Rialachán (AE, Euratom) Uimh. 966/2012, trí bhíthin comhaontú tarmligin.

Déanfaidh an Ghníomhaireacht Parlaimint na hEorpa, an Chomhairle agus, i gcásanna a bhaineann le *próiseáil sonraí pearsanta*, an Maoirseoir Eorpach ar Chosaint Sonraí, a choimeád ar an eolas ar bhonn rialta maidir le forbairt na dtreoirthionscadal dá dtagraítear sa chéad fhomhír.

2. Maidir le leithreasaí airgeadais i gcomhair treoirthionscadal dá dtagraítear in Airteagal 54(2)(a) de Rialachán (AE, Euratom) Uimh. 966/2012 arna n-iarraidh ón gCoimisiún, ní dhéanfar iad a iontráil sa bhuiséad i leith níos mó ná dhá bhliain airgeadais as a chéile.
3. Arna iarraidh sin don Choimisiún nó don Chomhairle, ***tar éis dó an Pharlaimint a chur ar an eolas***, agus tar éis don Bhord Bainistíochta cinneadh a dhéanamh, féadfar cúraimí a chur ar an nGníomhaireacht a bhaineann le cur chun feidhme an bhuiséid i gcás cruthúnais choincheapa arna maoiniú faoin ionstraim le haghaidh tacaíocht airgeadais do theorainneacha seachtracha agus do víosaí dá bhforáiltear i Rialachán (AE) Uimh. 515/2014 i gcomhréir le hAirteagal 58(1)(c) de Rialachán (AE, Euratom) Uimh. 966/2012 trí bhíthin comhaontú tarmligin.
4. Féadfaidh an Gníomhaireacht gníomhaíochtaí tástála a phleanáil agus a chur chun feidhme a bhaineann le hábhair a chumhdaítear sa Rialachán seo agus sna hionstraimí reachtacha lena rialaítear forbairt, bunú, oibriú agus úsáid na gcóras mórsála TF arna mbainistiú ag an nGníomhaireacht, tar éis don Bhord Bainistíochta cinneadh a dhéanamh.

Airteagal 12

Tacaíocht a thabhairt do na Ballstáit agus don Choimisiún

- 1. Féadfaidh aon Bhallstát iarraidh ar an nGníomhaireacht comhairle a chur ar fáil maidir leis an nasc atá ag a chórais náisiúnta leis na lárchórais.**
- 1a. Féadfaidh aon Bhallstáit iarraidh ar thacaíocht ad hoc a thíolacadh chuig an gCoimisiún, faoi réir measúnú dearfach go bhfuil gá le tacaíocht den sórt sin i ngeall ar riachtanais urghnácha slándála nó imirce, agus déanfaidh an Coimisiún an iarraidh sin a thíolacadh chuig an nGníomhaireacht gan mhoill, a chuirfidh an Bord Bainistíochta ar an eolas ina leith. Cuirfear an Ballstát ar an eolas más rud é go bhfuil measúnú an Choimisiún diúltach.**

Déanfaidh an Coimisiún faireachán i dtaobh an bhfuil freagairt thráthúil tugtha ag an nGníomhaireacht ar iarraidh an Bhallstáit. Tuairisceofar go sonrach sa Tuarascáil Bhliantúil ar na gníomhaíochtaí atá déanta ag an nGníomhaireacht chun tacaíocht ad hoc a thabhairt do na Ballstáit agus na costas a tabhaíodh i dtaca leis sin.

- 1b.** Féadfar a iarraidh *ar an nGníomhaireacht* freisin comhairle nó tacaíocht a chur ar fáil don Choimisiún maidir le saincheistanna teicniúla a bhaineann le córais atá i bhfeidhm cheana nó córais nua, lena n-áirítear comhairle nó tacaíocht a chur ar fáil trí bhíthin staidéar agus tástála. *Cuirfear an Bord Bainistíochta ar an eolas faoi iarrataí den sórtsin.*
- 2.** Féadfaidh *grúpa de chúig Bhallstát ar a a laghad a chur de chúram* ar an nGníomhaireacht *comhpháirt* TF choiteann a fhorbairt, a bhainistiú agus/nó a óstáil *chun cabhrú* leo gnéithe teicniúla d'oibleagáidí a chur chun feidhme a eascraíonn as reachtaíocht an Aontais maidir le córais dhílárta sa limistéar saoirse, slándála agus ceartais. *Beidh na réitigh chomhchoiteanna TF sin gan dochar d'oibleagáidí na mBallstát iarrthach faoi reachtaíocht an Aontais is infheidhme, go háirithe maidir le haitireacht na gcóras sin.*

Go háirithe, féadfaidh na Ballstáit iarrthacha a chur de chúram ar an nGníomhaireacht comhpháirt nó ródaire coiteann a bhunú le haghaidh réamhfhaisnéis faoi phaisinéirí agus sonraí de thaifead ainmneacha paisinéirí mar uirlis tacaíochta theicniúil chun nascacht le haeriompróirí a éascú chun cabhrú leis na Ballstáit Treoir 2004/82/CE ón gComhairle⁵⁰ agus Treoir (AE) 2016/681 ó Pharlaimint na hEorpa agus ón gComhairle a chur chun feidhme⁵¹. Sa chás sin, is é eu-LISA a bhaileoidh na sonraí ó aeriompróirí agus na sonraí sin a tharchur chuig na Ballstáit tríd an gcomhpháirt choiteann nó an ródaire. Glacfaidh na Ballstáit iarrthacha na bearta is gá chun a áirithiú go ndéanfaidh na haeriompróirí na sonraí a aistriú trí eu-LISA.

Ní chuirfear de chúram ar an nGníomhaireacht comhpháirt choiteann TF a fhorbairt, a bhainistiú agus/nó a óstáil go dtí go mbeidh formheas faighte ón gCoimisiún roimh ré agus beidh sé sin faoi réir cinneadh dearfach ón mBord Bainistíochta.

⁵⁰ Treoir 2004/82/CE ón gComhairle an 29 Aibreán 2004 maidir leis an oibleagáid ar iompróirí sonraí paisinéirí a chur in iúl (IO L 261, 6.8.2004, lch. 24).

⁵¹ Treoir (AE) 2016/681 ó Pharlaimint na hEorpa agus ón gComhairle an 27 Aibreán 2016 maidir le húsáid sonraí as an Taifead Ainmneacha Paisinéirí (PNR) chun cionta sceimhlitheoireachta agus coireacht thromchúiseach a chosc, a bhrath, a imscrúdú agus a ionchúiseamh (IO J 119, 4.5.2016, lch. 132).

Cuirfidh na Ballstáit iarrthacha na cúraimí sin ar an nGníomhaireacht trí bhíthin comhaontú tarmligin lena leagfar amach na coinníollacha maidir leis na cúraimí a tharmligean agus ríomh na gcostas ábhartha agus an modh sonrascaithe. Cumhdóidh na Ballstáit rannpháirteacha na costais ábhartha uile. Beidh an comhaontú tarmligin i gcomhréir le reachtaíocht an Aontais maidir leis na córais ábhartha TF. Déanfaidh an Ghníomhaireacht an comhaontú tarmligin a formheasadh agus aon mhodhnuithe arna ndéanamh air a chur in iúl do Pharlaimint na hEorpa agus don Chomhairle.

Féadfaidh Ballstáit eile iarraidh a dhéanamh ar rannpháirtíocht i réiteach chomhchoiteann TF i gcás ina mbeadh foráil déanta chuige sin sa chomhaontú tarmligin, lena leagfaí amach go háirithe na himpleachtaí airgeadais a bhainfeadh le rannpháirtíocht den sórtsin. Déanfar an comhaontú tarmligin a mhodhnú dá réir tar éis formheas a fháil roimh ré ón gCoimisiún agus tar éis don Bhord Bainistíochta cinneadh dearfach a dhéanamh.

CAIBIDIL III
STRUCHTÚR AGUS EAGRÚ

Airteagal 13
Stádas dlí agus suíomh

1. Beidh an Gníomhaireacht ina comhlacht de chuid an Aontais agus beidh pearsantacht dhlítheanach aici
2. I ngach ceann de na Ballstáit, tabharfar don Gníomhaireacht an inniúlacht dhlítheanach is fairsinge a thugtar do dhaoine dlítheanacha faoin dlí náisiúnta. Féadfaidh sí, go háirithe, maoin shochorraithe agus maoin dhochorraithe a fháil nó a dhiúscairt agus a bheith ina páirtí in imeachtaí dlí.
3. Déanfaidh Stiúrthóir Feidhmiúcháin na Gníomhaireachta ionadaíocht uirthi.

4. Is i dTaillinn, an Eastóin, a bheidh suíomh na Gníomhaireachta.

Is **sa suíomh teicniúil** in Strasbourg, an Fhrainc, a rachfar i mbun na gcúraimí a bhaineann leis an bhforbairt agus an bainistiú oibríochtúil dá dtagraítear in Airteagal 1(3) agus (4) agus in Airteagail 3, 4, 5, **5a**, **5b**, **5c**, **6** agus 7.

Beidh láithreán cúltaca ann [...] **arb acmhainn dó oibriú córais mhórsála TF a áirithiú i gcás ina dtarlódh cliseadh sa chóras sin**, agus déanfar an láithreán sin a shuiteáil in Sankt Johann im Pongau, an Ostair.

5. Is féidir an dá láithreán theicniúla a úsáid **go comhuaineach** le haghaidh oibriú gníomhach na gcóras mórsála TF ar choinníoll go mbeadh sé d'acmhainn ag an **dara** láithreán oibriú na gcóras sin a áirithiú i gcás ina gclisfeadh ar cheann amháin nó níos mó de na córais sin. **■**

- 5a. *De bharr nádúr sonrach na gcóras mórsála TF, dá mba rud é go mbeadh ar an nGníomhaireacht dara láithreán teicniúil ar leithligh in Strasbourg nó in Sankt Johann im Pongau nó sa dá áit a bhunú, de réir mar ba ghá, chun na córais a óstáil, ar choinníoll go mbeadh údar maith leis ar bhonn measúnú tionchair agus anailís costas agus sochar neamhspleách. Ba cheart don Bhord Bainistíochta dul i mbun comhairliúcháin leis an gCoimisiún agus dearcadh an Choimisiúin a chur san áireamh sula dtabharfaidh sé fógra don údarás buiséadach faoina intinn aon tionscadal a chur chun feidhme a bhaineann le maoin i gcomhréir le hAirteagal 40(9).*

Airteagal 14

Struchtúr

1. Is éard a bheidh i struchtúr riaracháin agus bainistíochta na Gníomhaireachta:
 - (a) Bord Bainistíochta;
 - (b) Stiúrthóir Feidhmiúcháin;
 - (c) Grúpaí Comhairleacha.
2. Áireofar mar chuid de struchtúr na Gníomhaireachta:
 - (a) Oifigeach Cosanta Sonraí;
 - (b) Oifigeach Slándála;
 - (c) Oifigeach Cuntasaíochta.

Airteagal 15
Feidhmeanna an Bhoird Bainistíochta

1. Déanfaidh an Bord Bainistíochta:
 - (a) gníomhaíochtaí na Gníomhaireachta a threorú go ginearálta;
 - (b) buiséad bliantúil na Gníomhaireachta a ghlacadh, le tromlach dhá thrían de na comhaltaí atá i dteideal vótála, agus feidhmeanna eile a dhéanamh i leith bhuiséad na Gníomhaireachta de bhun Chaibidil V;
 - (c) an Stiúrthóir Riaracháin *agus an Leas-Stiúrthóir Riaracháin* a cheapadh agus, i gcás inarb iomchuí, síneadh a chur lena *dtéarma* oifige *faoi seach* nó *iad* a chur as oifig i gcomhréir le hAirteagal 22 *agus Airteagal 22a faoi seach*;

- (d) údarás araíonachta a fheidhmiú maidir leis an Stiúrthóir Feidhmiúcháin agus maoirseacht a dhéanamh ar a fheidhmíocht ***nó a feidhmíocht***, lena n-áirítear cur chun feidhme chinntí an Bhoird Bainistíochta ***agus maidir leis an Leas-Stiúrthóir Feidhmiúcháin, i gcomhaontú leis an Stiúrthóir Feidhmiúcháin***;
- (e) gach cinneadh a dhéanamh maidir le bunú struchtúir eagraíochtúil na Gníomhaireachta agus maidir le modhnú an struchtúir sin, más gá, agus riachtanais ghníomhaíochtaí na Gníomhaireachta á gcur san áireamh agus ag féachaint do bhainistiú buiséadach fóna;
- (f) beartas foirne na Gníomhaireachta a ghlacadh;
- (g) rialacha nós imeachta na Gníomhaireachta a bhunú;
- (h) straitéis frithchalaoise a ghlacadh, a bheidh comhréireach leis an riosca calaoise, agus costais agus sochair na mbeart atá le cur chun feidhme á gcur san áireamh;
- (i) rialacha a ghlacadh chun coinbhleachtaí leasa a chosc agus a bhainistiú i leith a chomhaltaí ***agus iad a fhoilsiú ar shuíomh gréasáin na Gníomhaireachta***;
- (ia) ***rialacha agus nósanna imeachta inmheánacha atá mionsonraithe a ghlacadh chun sceithirí a chosaint, lena n-áirítear bealaí cumarsáide iomchuí chun mí-iompar a thuairisciú***;

- (j) tabhairt i gcrích socruithe oibre a údarú i gcomhréir le hAirteagal 37 *agus Airteagal 38a*;
- (k) tar éis dó moladh a fháil ón Stiúrthóir Feidhmiúcháin, an comhaontú maidir leis an gCeanncheathrú i ndáil le suíomh na Gníomhaireachta, agus na comhaontuithe maidir leis na láithreáin theicniúla agus na láithreáin chúltaca arna mbunú i gcomhréir le hAirteagal 13(4) atá le síniú ag an Stiúrthóir Feidhmiúcháin i gcomhar leis na Ballstáit óstacha, na comhaontuithe sin a fhormheas;
- (l) maidir le foireann na Gníomhaireachta, na cumhachtaí a fheidhmiú, i gcomhréir le mír 2, a thugtar sna Rialacháin Foirne don Údarás Ceapacháin agus i gCoinníollacha Fostaíochta Seirbhíseach Eile don Údarás atá cumhachtaithe chun conradh fostaíochta a thabhairt i gcrích ("cumhachtaí an údaráis ceapacháin");
- (m) i gcomhaontú leis an gCoimisiún, na rialacha iomchuí cur chun feidhme a ghlacadh le héifeacht a thabhairt do na Rialacháin Foirne agus do na Coinníollacha Fostaíochta Seirbhíseach Eile i gcomhréir le hAirteagal 110 de na Rialacháin Foirne;

- (n) na rialacha is gá a ghlacadh maidir le saineolaithe náisiúnta a thabhairt ar iasacht don Ghníomhaireacht;
- (o) dréachtmheastachán ar ioncam agus ar chaiteachas na Gníomhaireachta a ghlacadh, lena n-áirítear an **dréachtphlean** bunaíochta , agus iad a chur faoi bhráid an Choimisiúin faoin 31 Eanáir gach bliain;
- (p) an dréachtdoiciméad clársceidealaithe aonair ina bhfuil clársceidealú ilbhliantúil agus clár oibre na Gníomhaireachta don bhliain ina dhiaidh sin agus dréachtmheastachán sealadach ar ioncam agus caiteachas na Gníomhaireachta a ghlacadh, lena n-áirítear an **dréachtphlean** bunaíochta , agus an doiciméad sin mar aon le haon leagan nuashonraithe de a chur faoi bhráid Pharlaimint na hEorpa, na Comhairle agus an Choimisiúin faoin 31 Eanáir gach bliain;
- (q) roimh an 30 Samhain gach bliain, an doiciméad clársceidealaithe aonair a ghlacadh le tromlach dhá thrían de na comhaltaí a bhfuil ceart vótála acu agus i gcomhréir leis an nós imeachta buiséadach bliantúil, tar éis an tuairim ón gCoimisiúin a chur san áireamh, agus a áirithiú go gcuirfear an leagan cinntitheach den doiciméad clársceidealaithe aonair sin ar aghaidh chuig Parlaimint na hEorpa, chuig an gComhairle agus chuig an gCoimisiún agus go bhfoilseofar é;

- (r) tuarascáil eatramhach a ghlacadh faoi dheireadh Lúnasa gach bliain ar an dul chun cinn maidir le cur chun feidhme na ghníomhaíochtaí atá beartaithe an bhliain sin, agus í a chur faoi bhráid *na Parlaiminte, na Comhairle agus* an Choimisiúin;
- (s) an tuarascáil bhliantúil chomhdhlúite ar ghníomhaíochtaí na Gníomhaireachta an bhliain roimhe sin a mheas agus a ghlacadh agus comparáid á déanamh go háirithe ar na torthaí arna mbaint amach le cuspóirí an chláir oibre bhliantúil agus an tuarascáil agus an measúnú uirthi a chur faoi bhráid Pharlaimint na hEorpa, na Comhairle agus Chúirt na nIniúcháirí faoin 1 Iúil gach bliain; foilseofar an tuarascáil bhliantúil sin ar ghníomhaíochtaí;
- (t) a feidhmeanna a dhéanamh maidir le buiséad na Gníomhaireachta, lena n-áirítear na treoirhionscadail agus na cruthúnais choincheapa dá dtagraítear in Airteagal 11 a chur chun feidhme;
- (u) na rialacha airgeadais a ghlacadh is infheidhme maidir leis an nGníomhaireacht i gcomhréir le hAirteagal 44;

- (v) oifigeach cuntasáíochta a cheapadh, faoi réir na Rialachán Foirne agus faoi réir na gCoinníollacha Fostaíochta, a bheidh neamhspleách ar fad i gcomhlíonadh a chuid dualgas, agus féadfaidh sé gurb é oifigeach cuntasáíochta an Choimisiúin atá i gceist;
- (w) obair leantach leordhóthanach a dhéanamh maidir leis na torthaí agus na moltaí a eascraíonn as na tuarascálacha iniúchóireachta agus as na meastóireachtaí inmheánacha nó seachtracha éagsúla, agus as imscrúduithe de chuid na hOifige Eorpaí Frith-chalaoise (OLAF) agus ***Oifig an Ionchúisitheora Phoiblí Eorpaigh (OIPE)***;
- (x) na pleananna maidir le cumarsáid agus scaipeadh dá dtagraítear in Airteagal 30(4) a ghlacadh agus iad a thabhairt cothrom le dáta go rialta;
- (y) na bearta slándála is gá a ghlacadh, lena n-áirítear plean slándála agus plean leanúnachais gnó agus plean athshlánaithe i gcás tubaiste, agus na moltaí a d'fhéadfadh teacht ó na saineolaithe slándála atá sna Grúpaí Comhairleacha á gcur san áireamh;
- (z) na rialacha slándála a ghlacadh maidir le faisnéis rúnaicmithe agus faisnéis íogair neamh-rúnaicmithe a chosaint tar éis formheas a fháil ón gCoimisiún;

- (aa) oifigeach slándála a cheapadh;
- (bb) Oifigeach Cosanta Sonraí a cheapadh i gcomhréir le Rialachán (CE) Uimh. 45/2001 *[nó Rialachán (AE) XX/2018 maidir le daoine aonair a chosaint i ndáil le sonraí pearsanta a phróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus i ndáil le Rialachán (CE) Uimh. 45/2001 agus Cinneadh Uimh. 1247/2002/CE a aisghairm];*
- (cc) na rialacha sonraithe a ghlacadh chun Rialachán (CE) Uimh. 1049/2001 a chur chun feidhme;
- (dd) na tuarascálacha maidir le forbairt SFE a ghlacadh de bhun Airteagal 72(2) Rialachán (AE) **2017/2226**; na tuarascálacha a ghlacadh maidir le forbairt ETIAS de bhun Airteagal 92(2) de Rialachán (AE) XX/XXXX *[cuir isteach uimhir cheart COD 2016/357A maidir le ETIAS]* ;

I

- (ff) na tuarascálacha a ghlacadh maidir le feidhmiú teicniúil SIS II de bhun Airteagal 50(4) de Rialachán (CE) Uimh. 1987/2006 agus Airteagal 66(4) de Chinneadh 2007/533/CGB faoi seach, ■ agus maidir le feidhmiú teicniúil VIS de bhun Airteagal 50(3) de Rialachán (CE) Uimh. 767/2008 agus Airteagal 17(3) de Chinneadh 2008/633/CGB, agus maidir le feidhmiú teicniúil SFE de bhun Airteagal 72(4) de Rialachán (AE) **2017/2226** agus de ETIAS de bhun Airteagal 92(4) de Rialachán (AE) XX/XXXX [cuir isteach uimhir cheart COD 2016/357A maidir le ETIAS];
- (gg) an tuarascáil bhliantúil a ghlacadh maidir le gníomhaíochtaí Lárchóras Eurodac de bhun Airteagal 40(1) de Rialachán (AE) Uimh. 603/2013 ■ ;
- (hh) barúlacha foirmiúla a ghlacadh faoi thuarascálacha an Mhaoirseora Eorpaigh ar Chosaint Sonraí maidir leis na hiniúchtaí a rinneadh de bhun Airteagal 45(2) de Rialachán (CE) Uimh. 1987/2006, Airteagal 42(2) de Rialachán (CE) Uimh. 767/2008, Airteagal 31(2) de Rialachán (AE) Uimh. 603/2013, ■ Airteagal 56(2) de Rialachán (AE) **2017/2226** ■ agus ■ Airteagal 67 de Rialachán (AE) XX/XX [*cuir isteach uimhir cheart COD 2016/357A maidir le ETIAS*] ■ agus bearta leantacha iomchuí na n-iniúchtaí sin a áirithiú;

- (ii) staidreamh a bhaineann le SIS II a fhoilsiú de bhun Airteagal 50(3) de Rialachán (CE) Uimh. 1987/2006 agus Airteagal 66(3) de Chinneadh 2007/533/JHA faoi seach;
- (jj) staidreamh a thiomsú agus a fhoilsiú maidir le hobair Lárchóras Eurodac de bhun Airteagal 8(2) de Rialachán (AE) Uimh. 603/2013 ■ ;
- (kk) staidreamh a fhoilsiú a bhaineann le SFE de bhun Airteagal **63** de Rialachán (AE) **2017/2226**;
- (ll) ■ staidreamh a fhoilsiú a bhaineann le ETIAS de bhun Airteagal **84** de Rialachán (AE) Uimh. XXXX/XX [*cuir isteach uimhir cheart COD 2016/357A maidir le ETIAS*]; ■

■

- (nn) foilsiú bliantúil liosta na n-údarás inniúil atá údaraithe cuardach a dhéanamh ar na sonraí atá in SIS II de bhun Airteagal 31(8) de Rialachán (CE) Uimh. 1987/2006 agus Airteagal 46(8) de Chinneadh 2007/533/CGB a áirithiú, mar aon le liosta Oifigí na gcóras náisiúnta SIS (N.SIS II) agus na mBiúrónna SIRENE dá dtagraítear in Airteagal 7(3) de Rialachán (CE) Uimh. 1987/2006 agus Airteagal 7(3) de Chinneadh 2007/533/CGB faoi seach ***chomh maith le liosta na n-údarás inniúil de bhun Airteagal 62(2) de Rialachán (AE) 2017/2226; liosta na n-údarás inniúil de bhun Airteagal 87(2) de Rialachán (AE) Uimh. XX/XXXX [cuir isteach uimhir cheart COD 2016/357A maidir le ETIAS].***

Gan dochar do na forálacha maidir le foilsiú liostaí na n-údarás ábhartha dá bhforáiltear faoi na hionstraimí reachtacha dá dtagraítear thuas agus más rud é maidir leis an oibleagáid chun na liostaí sin a fhoilsiú agus a thabhairt cothrom le dáta go leanúnach ar shuíomh gréasáin na Gníomhaireachta nach bhfuil foráil déanta ina leith cheana sna hionstraimí sin, áiritheoidh an Bord Stiúrthóirí go ndéanfar an foilsiú agus an nuashonrú sin;

- (oo) foilsiú bliantúil liosta na n-aonad á áirithiú de bhun Airteagal 27(2) de Rialachán (AE) Uimh. 603/2013;

(pp) a áirithiú maidir le cinntí agus gníomhaíochtaí uile na Gníomhaireachta a dhéanfaidh difear do chórais mhórsála *TF de chuid an Aontais Eorpaigh* sa limistéar saoirse, slándála agus ceartais, go n-urramaíonn siad prionsabal neamhspleáchais na mbreithiúna;

(qq) aon chúraimí eile a thugtar dó i gcomhréir leis an Rialachán seo a chomhlíonadh.

2. Glacfaidh an Bord Bainistíochta, i gcomhréir le hAirteagal 110 de na Rialacháin Foirne, cinneadh ar bhonn Airteagal 2(1) de na Rialacháin Foirne agus ar Airteagal 6 de Choinníollacha Fostaíochta Seirbhíseach Eile, lena ndéantar cumhachtaí ábhartha an údaráis ceapacháin a tharmligean chuig an Stiúrthóir Feidhmiúcháin agus lena sainítear na coinníollacha faoinar féidir an tarmligean cumhachtaí sin a chur ar fionraí. Beidh údarás ag an Stiúrthóir Feidhmiúcháin na cumhachtaí sin a fho-tharmligean.

Nuair is gá sin mar gheall ar imthosca eisceachtúla, féadfaidh an Bord Bainistíochta, trí bhíthin cinnidh, tarmligean chumhachtaí an údaráis ceapacháin chuig an Stiúrthóir Feidhmiúcháin, chomh maith leo siúd arna bhfo-tharmligean ag an Stiúrthóir Feidhmiúcháin, a chur ar fionraí go sealadach, agus iad a fheidhmiú é féin nó iad a tharmligean chuig duine dá chomhaltai nó do bhall foirne eile seachas an Stiúrthóir Feidhmiúcháin.

3. Féadfaidh an Bord Bainistíochta comhairle a chur ar an Stiúrthóir Feidhmiúcháin maidir le haon ábhar a bhfuil dlúthbhaint aige le forbairt nó le bainistiú oibríochtúil córas mórscála TF agus maidir le gníomhaíochtaí a bhaineann le taighde, treoirthionscadail, cruthúnais choincheapa agus gníomhaíochtaí tástála.

Airteagal 17

Comhdhéanamh an Bhoird Bainistíochta

1. Ionadaí amháin ó gach Ballstát agus beirt ionadaithe ón gCoimisiún, agus ceart vótála acu ar fad, a bheidh ar an mBord Bainistíochta, i gcomhréir le hAirteagal 20.

2. Beidh comhalta malartach ag gach **comhalta** den Bhord Bainistíochta. Déanfaidh an comhalta malartach ionadaíocht ar an gcomhalta agus an duine sin as láthair ***nó i gcás ina ndéantar Cathaoirleach nó Leas-Chathaoirleach ar an mBord Bainistíochta den duine sin agus go bhfuil siad sa chathaoir ag cruinniú den Bhord Bainistíochta***. Ceapfar comhaltaí an Bhoird Bainistíochta agus a gcomhaltaí malartacha ar bhonn leibhéal ard a dtaithe ábhartha agus a saineolais ábhartha i réimse na gcóras mórsála TF sa limistéar saoirse, slándála agus ceartais, agus ar bhonn a gcuid eolais i dtaca le cosaint sonraí, agus a scileanna ábhartha bainistíochta, riaracháin agus buiséadacha á gcur san áireamh. Déanfaidh na páirtithe uile a mbeidh ionadaíocht acu ar an mBord Bainistíochta iarracht ráta athraithe a n-ionadaithe a theorannú, chun leanúnachas obair an bhoird a áirithiú. Díreoidh na páirtithe uile ar ionadaíocht chothrom idir fir agus mná a bhaint amach ar an mBord Bainistíochta.

3. Ceithre bliana, atá inathnuaite, a bheidh i dtéarma oifige na gcomhaltaí agus a gcomhaltaí malartacha agus ***féadfar an téarma sin a athnuachan***. Nuair a thiocfaidh deireadh lena dtréimhse oifige nó i gcás ina n-éireoidh siad as oifig, fanfaidh comhaltaí in oifig go ndéanfar a gceapachán a athnuachan nó go gcuirfear comhaltaí nua ina n-ionad.
4. Tíortha atá comhlachaithe le hacquis Schengen agus le bearta a bhaineann ***le Baile Átha Cliath agus*** le Eurodac a chur chun feidhme, a chur i bhfeidhm agus a fhorbairt, beidh siad rannpháirteach i ngníomhaíochtaí na Gníomhaireachta. Ceapfaidh gach tír ionadaí amháin agus ionadaí malartach amháin le bheith ar an mBord Bainistíochta.

Airteagal 18

Cathaoirleach an Bhoird Bainistíochta

1. Toghfaidh an Bord Bainistíochta Cathaoirleach agus Leaschathaoirleach as measc na gcomhaltaí sin den Bhord Bainistíochta arna gceapadh ag na Ballstáit atá faoi cheangal go hiomlán ag dlí an Aontais trí bhíthin ionstraimí reachtacha lena rialaítear forbairt, bunú, oibriú agus úsáid na gcóras mórsála TF uile arna mbainistiú ag an nGníomhaireacht. Toghfar an Cathaoirleach agus an Leaschathaoirleach le tromlach dhá thrían de chomhaltaí an Bhoird Bainistíochta a bhfuil cearta vótála acu.

Glacfaidh an Leaschathaoirleach ionad an Chathaoirligh, go huathoibríoch, i gcás ina gcuirfear bac air nó uirthi a chuid nó a cuid dualgas a chomhlíonadh.

2. Mairfidh tréimhse oifige an Chathaoirligh agus an Leas-Chathaoirligh ceithre bliana. Féadfar a dtéarma oifige a athnuachan aon uair amháin. Más rud é, áfach, go dtiocfaidh deireadh lena gcomhaltas ar an mBord Bainistíochta tráth ar bith le linn a dtéarma oifige, rachaidh a dtéarma oifige in éag go huathoibríoch ar an dáta sin.

Airteagal 19

Cruinnithe an Bhoird Bainistíochta

1. Is é an Cathaoirleach a dhéanfaidh cruinnithe an Bhoird Bainistíochta a thionól.
2. Glacfaidh an Stiúrthóir Feidhmiúcháin páirt sa phlé ach ní bheidh ceart vótála aige.
3. Tionólfar ar a laghad dhá ghnáthchruinniú de chuid an Bhoird Bainistíochta gach bliain. Ina theannta sin, tionólfar cruinniú de chuid an Bhoird Bainistíochta ar thionscnamh a Chathaoirligh, arna iarraidh sin don Choimisiún, ***don Stiúrthóir Feidhmiúcháin*** nó do thrian dá chomhaltaí ar a laghad.

4. Féadfaidh Europol agus Eurojust freastal, mar bhreathnóirí, ar chruinnithe an Bhoird Bainistíochta ach ceist a bhaineann le SIS II, i ndáil le cur i bhfeidhm Chinneadh 2007/533/JHA, a bheith ar an gclár oibre. ■ Féadfaidh an **Ghníomhaireacht** Eorpach um an nGarda Teorann agus Cósta freastal, mar bhreathnóirí, ar chruinnithe an Bhoird Bainistíochta ach ceist a bhaineann le SIS, i ndáil le cur i bhfeidhm Rialachán (AE) 2016/1624 ■ a bheith ar an gclár oibre ■ . Ina theannta sin, féadfaidh Europol freastal, mar bhreathnóir, ar chruinnithe an Bhoird Bainistíochta ach ceist a bhaineann le VIS, i ndáil le cur i bhfeidhm Chinneadh 2008/633/JHA, nó ceist a bhaineann le Eurodac, i ndáil le cur i bhfeidhm Rialachán (AE) Uimh. 603/2013 a bheith ar an gclár oibre. Féadfaidh Europol freisin freastal, mar bhreathnóir, ar chruinnithe an Bhoird Bainistíochta ach ceist a bhaineann le SFE i ndáil le cur i bhfeidhm Rialachán **2017/2226** a bheith ar an gclár oibre nó ceist a bhaineann le ETIAS, i ndáil le cur i bhfeidhm Rialachán (AE) Uimh. XX/XXXX [cuir isteach uimhir cheart COD 2016/357A maidir le ETIAS] a bheith ar an gclár oibre. Féadfaidh an **Ghníomhaireacht** Eorpach um an nGarda Teorann agus Cósta freastal, **mar bhreathnóirí**, ar chruinnithe an Bhoird Bainistíochta ach ceist a bhaineann le ETIAS, i ndáil le cur i bhfeidhm Rialachán XX/XX [cuir isteach uimhir cheart COD 2016/357A maidir le ETIAS]. ■ Féadfaidh an Bord Bainistíochta iarraidh ar aon duine ar díol spéise a thuairim freastal ar a chuid cruinnithe i gcáil breathnóra.

5. Féadfaidh comhairleoirí nó saineolaithe ar comhaltaí, *go háirithe*, iad de na Grúpaí Comhairleacha cúnamh a thabhairt do chomhaltaí an Bhoird Bainistíochta agus dá gcomhaltaí malartacha, faoi réir rialacha nós imeachta an Bhoird.
6. Is í an Ghníomhaireacht a chuirfidh rúnaíocht ar fáil don Bhord Bainistíochta.

Airteagal 20

Rialacha vótála an Bhoird Bainistíochta

1. Gan dochar do mhír 4 den Airteagal seo ná d’Airteagal 15(1)(b) *agus (q), ná d’Airteagal 18(1) agus* Airteagal 22(8), déanfar cinntí an Bhoird Bainistíochta le tromlach dá chomhaltaí uile a bhfuil ceart vótála acu.
2. Gan dochar do mhír 3, beidh vóta amháin ag gach comhalta den Bhord Bainistíochta. In éagmais comhalta a bhfuil ceart vótála aige, beidh a chomhalta nó a comhalta malartach i dteideal a cheart nó a ceart vótála a fheidhmiú.

3. Maidir le gach comhalta arna cheapadh ag Ballstát atá faoi cheangal ag dlí an Aontais trí bhíthin aon ionstraim reachtach lena rialaítear forbairt, bunú, oibriú agus úsáid chórais mórsála TF arna bhainistiú ag an nGníomhaireacht, féadfaidh an comhalta sin vótáil ar cheist a bhaineann leis an gcóras mórsála TF sin.

Féadfaidh an Danmhairg vótáil ar cheist a bhaineann le córas mórsála TF den sórt sin, más rud é go gcinneann sí faoi Airteagal 4 de Phrótacal Uimh. 22 maidir le seasamh na Danmhairge an ionstraim reachtach lena rialaítear forbairt, bunú, oibriú agus úsáid an chórais mórsála TF sin a chur chun feidhme ina dlí náisiúnta.

- 3a. ***Beidh feidhm ag Airteagal 38 maidir le tíortha a bhfuil comhaontuithe déanta acu leis an Aontas i dtaobhcomhlachas a bheith acu le cur chun feidhme, cur i bhfeidhm agus forbairt acquis Schengen agus le bearta a bhaineann le córas Bhaile Átha Cliath agus le Eurodac.***

4. I gcás easaontú idir comhaltaí i dtaobh an ndéanann vóta difear do chóras mórsála TF ar leith, aon chinneadh lena socraítear nach ndéantar difear dó amhlaidh, déanfar sin le tromlach dhá thrian de chomhaltaí an Bhoird Bainistíochta.

5. *Ní vótálfaidh an Cathaoirleach, ná an Leas-Chathaoirleach nuair atá sé nó sí ag ionadú don Chathaoirleach. Déanfaidh comhalta malartach an Chathaoirligh nó an Leas-Chathaoirligh nuair atá sé nó sí ag gníomhú in ionad an Chathaoirligh ceart vótála na ndaoine sin a fheidhmiú.*
6. Ní *vótáilfidh* an Stiúrthóir Feidhmiúcháin.
7. Bunófar le rialacha nós imeachta an Bhoird Bainistíochta socruithe vótála níos mionsonraithe, go háirithe na coinníollacha faoinar féidir le comhalta feidhmiú thar ceann comhalta eile chomh maith le haon riachtanais maidir le córam, i gcás inarb iomchuí.

Airteagal 21

Freagrachtaí an Stiúrthóra Feidhmiúcháin

1. Is é an Stiúrthóir Feidhmiúcháin a dhéanfaidh an Ghníomhaireacht a bhainistiú. Beidh an Stiúrthóir Feidhmiúcháin cuntasach don Bhord Bainistíochta agus tabharfaidh sé chúnamh dó. Tuairisceoidh an Stiúrthóir Feidhmiúcháin, don Pharlaimint maidir le comhlíonadh a dhualgas nó a dualgas nuair a iarrfar sin air nó uirthi Féadfaidh an Chomhairle iarraidh ar an Stiúrthóir Feidhmiúcháin tuairisc a thabhairt maidir le feidhmiú a chuid nó a cuid dualgais.
2. Is é an Stiúrthóir Feidhmiúcháin ionadaí dlíthiúil na Gníomhaireachta.
3. Is é an Stiúrthóir Feidhmiúcháin a bheidh freagrach as cur chun feidhme na gcúraimí a shanntar don Ghníomhaireacht leis an Rialachán seo. Go háirithe, beidh an Stiúrthóir Feidhmiúcháin freagrach as an méid seo a leanas:
 - (a) riarachán laethúil na Gníomhaireachta;
 - (b) oibriú na Gníomhaireachta i gcomhréir leis an Rialachán seo;

- (c) na nósanna imeachta, na cinntí, na straitéisí, na cláir agus na gníomhaíochtaí arna nglacadh ag an mBord Bainistíochta a ullmhú agus a chur chun feidhme, laistigh de na teorainneacha a leagtar síos leis an Rialachán seo, lena rialacha cur chun feidhme agus leis an dlí is infheidhme;
- (d) an doiciméad clársceidealaithe aonair a ullmhú agus é a chur faoi bhráid an Bhoird Bainistíochta tar éis dul i gcomhairle leis an gCoimisiún ***agus na Grúpaí Comhairleacha***;

- (e) an doiciméad clársceidealaithe aonair a chur chun feidhme agus tuairisc a thabhairt don Bhord Bainistíochta maidir lena chur chun feidhme;
- (ea) *an tuarascáil eatramhach a ullmhú ar dhul chun cinn maidir le cur chun feidhme na gníomhaíochtaí atá beartaithe don bhliain reatha agus, tar éis dó dul i gcomhairle leis na Grúpaí Comhairleacha, í a chur faoi bhráid an Bhoird Bainistíochta lena glacadh tráth nach déanaí ná deireadh mhí Lúnasa gach bliain;*
- (f) an tuarascáil bhliantúil chomhdhlúite ar ghníomhaíochtaí na Gníomhaireachta a ullmhú agus, *tar éis dul i gcomhar leis na Grúpaí Comhairleacha*, í a chur faoi bhráid an Bhoird Bainistíochta lena measúnú agus lena glacadh;
- (g) plean gníomhaíochta a ullmhú a leanfaidh ó chonclúidí na dtuarascálacha iniúchóireachta agus na meastóireachtaí inmheánacha nó seachtracha, agus ó imscrúduithe de chuid na hOifige Eorpaí Frithchalaoise (OLAF) agus **ag OIPE**, agus tuairisc a chur chuig an gCoimisiún dhá uair sa bhliain, agus chuig an mBord Bainistíochta ar bhonn rialta, maidir leis an dul chun cinn a bheidh déanta;

- (h) leasanna airgeadais an Aontais a chosaint trí bhearta coisctheacha a chur i bhfeidhm in aghaidh calaoise, éilliú agus aon ghníomhaíochtaí mídhleathacha eile, gan dochar don inniúlacht imscrúdaitheach atá **ag OIPE agus** ag OLAF, trí bhíthin seiceálacha éifeachtacha agus, más rud é go mbraitear neamhrialtachtaí, trí mhéideanna á íocadh go mícheart a aisghabháil agus, i gcás inarb iomchuí, trí phionóis riaracháin agus airgeadais, a bheidh éifeachtach, comhréireach agus athchomhairleach a chur i bhfeidhm;
- (i) straitéis fhrithchalaoise a ullmhú don Ghníomhaireacht agus an straitéis sin a chur faoi bhráid an Bhoird Bainistíochta lena formheas ***chomh maith le faireachán a dhéanamh ar chur chun feidhme iomchuí agus tráthúil na straitéise sin***;
- (j) dréachtrialacha airgeadais is infheidhme maidir leis an nGníomhaireacht a ullmhú agus iad a chur faoi bhráid an Bhoird Bainistíochta lena nglacadh tar éis dul i gcomhairle leis an gCoimisiún;

- (k) an buiséad i gcomhair na bliana atá le teacht a ullmhú, arna bhunú ar bhonn buiséadú de réir gníomhaíochta;
- (l) dréachtráiteas na Gníomhaireachta ar mheastacháin ioncaim agus caiteachais a ullmhú;
- (m) a buiséad a chur chun feidhme;
- (n) córas éifeachtach a bhunú agus a chur chun feidhme lena bhféadfar faireachán agus meastóireacht rialta a dhéanamh ar an méid seo a leanas:
 - (i) córais mhórsála TF, lena n-áirítear córais staidrimh; agus
 - (ii) an Ghníomhaireacht, lena n-áirítear a cuspóirí a bhaint amach ar bhealach éifeachtach agus éifeachtúil;

- (o) gan dochar d'Airteagal 17 de na Rialacháin Foirne, ceanglais rúndachta a bhunú chun Airteagal 17 de Rialachán (CE) Uimh. 1987/2006, Airteagal 17 de Chinneadh 2007/533/JHA, Airteagal 26(9) de Rialachán (CE) Uimh. 767/2008, Airteagal 4(4) de Rialachán (AE) Uimh. 603/2013 a chomhlíonadh; ■ Airteagal 37(4) de Rialachán **2017/2226 agus** Airteagal 74(2) de Rialachán XX/XXXX [cuir isteach uimhir cheart COD 2016/357A maidir le ETIAS] ■ ;
- (p) comhaontú maidir leis an gCeanncheathrú i ndáil le suíomh na Gníomhaireachta agus comhaontuithe maidir le láithreáin theicniúla agus láithreáin chúltaca a chaibidlíú agus, tar éis don Bhord Bainistíochta iad a fhormheas, na comhaontuithe sin a shíniú le Rialtais na mBallstát óstach.
- (q) na socruithe praiticiúla a dhéanamh chun Rialachán (CE) Uimh. 1049/2001 a chur chun feidhme agus chun iad a chur faoi bhráid an Bhoird Bainistíochta lena nglacadh;
- (r) na bearta slándála is gá a ullmhú, lena n-áirítear plean slándála, plean leanúnachais gnó agus plean athshlánaithe i gcás tubaiste, ***tar éis dul i gcomhar leis an nGrúpa Comhairleach ábhartha***, agus iad a chur faoi bhráid an Bhoird Bainistíochta lena nglacadh;
- (s) tuarascálacha a ullmhú ar fheidhmiú teicniúil gach córais mórscála TF dá dtagraítear in Airteagal 15(1)(ff) agus an tuarascáil bhliantúil ar gníomhaíochtaí lárchóras Eurodac dá dtagraítear in Airteagal 15(1)(gg), ar bhonn na dtorthaí a thagann ón bhfaireachán agus ón meastóireacht agus, ***tar éis dul i gcomhar leis an nGrúpa Comhairleach ábhartha***, agus iad a chur faoi bhráid an Bhoird Bainistíochta lena nglacadh;

- (t) ■ na tuarascálacha a ghlacadh maidir le forbairt ETIAS de bhun Airteagal 72(2) de Rialachán 2017/2226 ■ agus maidir le forbairt ETIAS dá dtagraítear in Airteagal 92(2) de Rialachán XX/XXXX *[cuir isteach uimhir cheart COD 2016/357A maidir le ETIAS]* ■ agus iad a chur faoi bhráid an Bhoird Bhainistíochta lena nglacadh; ■
- (u) liosta bliantúil na n-údarás inniúil atá údaraithe chun cuardach díreach a dhéanamh ar na sonraí atá in SIS II a ullmhú lena fhoilsiú, lena n-áirítear liosta na n-oifigí N.SIS II agus na mBiúrónna SIRENE ■ agus liosta na n-údarás inniúil atá údaraithe chun cuardach díreach a dhéanamh ar na sonraí atá in EES **agus** in ETIAS ■ dá dtagraítear in Airteagal 15(1)(nn) agus liosta na n-aonad dá dtagraítear in Airteagal 15(1)(oo) agus iad a chur faoi bhráid an Bhoird Bainistíochta lena nglacadh.

4. Déanfaidh an Stiúrthóir Feidhmiúcháin aon chúraimí eile a chomhlíonadh i gcomhréir leis an Rialachán seo.
5. Cinnfidh an Stiúrthóir Feidhmiúcháin an gá ball foirne amháin nó níos mó a bheith lonnaithe i mBallstát amháin nó níos mó chun críche cúraimí na Gníomhaireachta a dhéanamh ar bhealach éifeachtúil agus éifeachtach. Sula gcinnfidh sé oifig áitiúil a chur ar bun, gheobhaidh an Stiúrthóir Feidhmiúcháin toiliú roimh ré ón gCoimisiún, ón mBord Bainistíochta agus ó na Ballstáit lena mbaineann. Sonrófar sa chinneadh raon feidhme na ngníomhaíochtaí a dhéanfar san oifig áitiúil ar bhealach a sheachnóidh costais neamhriachtanacha, agus feidhmeanna riaracháin na Gníomhaireachta a dhéanamh faoi dhó. Ní fhéadfar gníomhaíochtaí a dhéantar ar láithreáin theicniúla a dhéanamh in oifig áitiúil.

Airteagal 22

An Stiúrthóir Feidhmiúcháin a cheapadh

1. Is é an Bord Bainistíochta a cheapfaidh an Stiúrthóir Feidhmiúcháin ó liosta de thriúr iarrthóirí **ar a laghad** a mholfaidh an Coimisiún tar éis nós imeachta roghnúcháin oscailte agus trédhearcach a bheith ann. Sa nós imeachta roghnúcháin sin, déanfar foráil maidir le glao ar léiriú spéise a fhoilsiú in Iris Oifigiúil an Aontais Eorpaigh agus in áiteanna eile. Ceapfaidh an Bord Bainistíochta an Stiúrthóir Feidhmiúcháin ar **bhonn** ■ fiúntas pearsanta, taithí **chruthaithe** i réimse córas mórscála TF, scileanna riaracháin, airgeadais agus bainistíochta agus eolas faoi chosaint sonraí. ■
2. Sula gceapfar é, iarrfar ar na **hiarrthóirí arna moladh** ag an **gCoimisiún** ráiteas a dhéanamh os comhair choiste inniúil (**nó choistí inniúla**) Pharlaimint na hEorpa agus ceisteanna ó chomhaltaí na gcoistí a fhreagairt. Tar éis an ráitis, glacfaidh Parlaimint na hEorpa tuairim lena leagfar amach a dearcadh **agus tig léi an t-iarrthóir is fearr léi a léiriú ann**

- 2a. *Ceapfaidh an Bord Bainistíochta an Stiúrthóir Feidhmiúcháin agus na dearcthaí sin á gcur san áireamh.*
- 2b. *Má dhéanann an Bord Bainistíochta cinneadh iarrthóir a cheapadh seachas an t-iarrthóir a léirigh Parlaimint na hEorpa mar an iarrthóir ab fhearr léi, cuirfidh an Bord Bainistíochta an modh a cuireadh tuairim Pharlaimint na hEorpa san áireamh in iúl do Pharlaimint na hEorpa agus don Chomhairle i scríbhinn.*
3. Cúig bliana a bheidh i dtéarma oifige an Stiúrthóra Feidhmiúcháin. Faoi dheireadh na tréimhse sin, déanfaidh an Coimisiún measúnú a dhéanfaidh *a* mheastóireacht ar fheidhmíocht an Stiúrthóra Feidhmiúcháin agus ar chúraimí agus ar dhúshlán na Gníomhaireachta amach anseo a chur san áireamh.

4. Féadfaidh an Bord Bainistíochta, ag gníomhú dó ar thogra ón gCoimisiún, agus an measúnú dá dtagraítear i mír 3 á chur san áireamh, síneadh a chur le téarma oifige an Stiúrthóra Feidhmiúcháin uair amháin, ar feadh cúig bliana ar a mhéad.
5. Cuirfidh an Bord Bainistíochta Parlaimint na hEorpa ar an eolas má tá sé ar intinn aige síneadh a chur le téarma oifige an Stiúrthóra Feidhmiúcháin. Laistigh d'aon mhí amháin roimh an síneadh sin, iarrfar ar an Stiúrthóir Feidhmiúcháin ráiteas a dhéanamh os comhair choiste inniúil (choistí inniúla) Parlaimint na hEorpa agus ceisteanna ó chomhaltaí na gcoistí a fhreagairt.
6. Ní fhéadfaidh Stiúrthóir Feidhmiúcháin ar cuireadh síneadh lena théarma oifige páirt a ghlacadh i nós imeachta roghnúcháin eile don phost céanna ag deireadh na tréimhse foriomláine.

7. Ní fhéadfar an Stiúrthóir Feidhmiúcháin a chur as oifig ach amháin ar chinneadh ón mBord Bainistíochta ag gníomhú dó ar thogra ó *thromlach a chomhaltaí nó ón* gCoimisiún.
8. Is le tromlach dhá thrian dá chuid comhaltaí a bhfuil ceart vótála acu a dhéanfaidh an Bord Bainistíochta cinntí faoi cheapadh, faoi shíneadh téarma oifige agus faoi chur as oifig an Stiúrthóra Feidhmiúcháin.
9. Chun críche an conradh a thabhairt i gcrích leis an *Stiúrthóir Feidhmiúcháin*, is é Cathaoirleach an Bhoird Bainistíochta a dhéanfaidh ionadaíocht ar an nGníomhaireacht. Beidh an Stiúrthóir Feidhmiúcháin fostaithe mar ghníomhaire sealadach ag an nGníomhaireacht faoi Airteagal 2(a) de Choinníollacha Fostaíochta Seirbhíseach Eile.

Airteagal 22a

Leas-Stiúrthóir Feidhmiúcháin

1. *Beidh Leas-Stiúrthóir Feidhmiúcháin de chúnamh ag an Stiúrthóir Feidhmiúcháin. Féadfaidh sé nó sí teacht in ionad an Stiúrthóra Feidhmiúcháin nuair a bheidh sé nó sí as láthair. Déanfaidh an Stiúrthóir Feidhmiúcháin cúraimí an Leas-Stiúrthóra Feidhmiúcháin a shainmhíniú.*
2. *Ar thogra ón stiúrthóir feidhmiúcháin, déanfaidh an Bord Bainistíochta an Leas-Stiúrthóir Feidhmiúcháin a cheapadh. Déanfar an Leas-Stiúrthóir Feidhmiúcháin a cheapadh ar fhorais tuillteanais agus scileanna riaracháin agus bainistíochta iomchuí, lena n-áirítear taithí ghairmiúil ábhartha. Déanfaidh an Stiúrthóir Feidhmiúcháin triúr iarrthóirí ar a laghad a mholadh don phost mar Leas-Stiúrthóir Feidhmiúcháin. Is le tromlach dhá thrian dá chomhaltaí uile a bhfuil ceart vótála acu a dhéanfaidh an Bord Bainistíochta cinneadh. Beidh sé de chumhacht ag an mBord Bainistíochta an Leas-Stiúrthóir Feidhmiúcháin a bhriseadh as a phost nó a post trí bhíthin cinneadh arna ghlacadh ag tromlach dhá thrian dá chomhaltaí uile a bhfuil ceart vótála acu.*

3. *Cúig bliana a bheidh i dtéarma oifige an Leas-Stiúrthóra Feidhmiúcháin. Féadfaidh an Bord Bainistíochta síneadh a chur leis an téarma oifige sin uair amháin, ar feadh tréimhse nach faide ná cúig bliana. Is le tromlach dhá thrian dá chomhaltaí uile a bhfuil ceart vótála acu a dhéanfaidh an Bord Bainistíochta an cinneadh sin a ghlacadh.*

Airteagal 23

Grúpaí Comhairleacha

1. Soláthróidh na Grúpaí Comhairleacha seo a leanas don Bhord Bainistíochta saineolas a bhaineann le córais mhórsála TF, go háirithe agus a **gelár** oibre bliantúil agus a dtuarascálacha bliantúla ar ghníomhaíochtaí á n-ullmhú acu:
- (a) Grúpa Comhairleach SIS II;
 - (b) Grúpa Comhairleach VIS;
 - (c) Grúpa Comhairleach Eurodac;

(d) ■ Grúpa Comhairleach ■ EES-ETIAS ■ ;

■

(f) aon Ghrúpa Comhairleach eile a bhaineann le córas mórsála TF i gcás ina bhforáiltear dó san ionstraim reachtach ábhartha lena rialaítear forbairt, bunú, oibriú agus úsáid an chórais mórsála TF sin.

2. Gach Ballstát atá faoi cheangal ag dlí an Aontais trí bhíthin ionstraim reachtach lena rialaítear forbairt, bunú, oibriú agus úsáid chórais mórsála TF áirithe, mar aon leis an gCoimisiún, ceapfaidh siad comhalta amháin don Ghrúpa Comhairleach a bhaineann leis an gcóras mórsála TF sin ar feadh téarma ceithre bliana, ar téarma é a fhéadfar a athnuachan ■ .

Ceapfaidh an Danmhairg comhalta freisin do Ghrúpa Comhairleach a bhaineann le córas mórsála TF, más rud é go gcinneann sí, faoi Airteagal 4 de Phrótacal Uimh. 22 maidir le seasamh na Danmhairge, an ionstraim reachtach lena rialaítear forbairt, bunú, oibriú agus úsáid an chórais mórsála TF áirithe sin a chur chun feidhme ina dlí náisiúnta.

Gach tír atá comhlachaithe le hacquis Schengen, agus le bearta a bhaineann *le Baile Átha Cliath agus* le Eurodaca chur chun feidhme, a chur i bhfeidhm agus a fhorbairt agus atá rannpháirteach i gcóras mórsála TF faoi leith, déanfaidh sí comhalta a cheapadh don Ghrúpa Comhairleach a bhaineann leis an gcóras mórsála TF sin.

3. Féadfaidh Europol agus Eurojust [agus an ***Ghníomhaireacht Eorpach um an nGarda Teorann agus Cósta***] ionadaí a cheapadh do Ghrúpa Comhairleach SIS II. Féadfaidh Europol ionadaí a cheapadh do Ghrúpaí Comhairleacha VIS agus Eurodac ■ agus SFE/ETIAS ■ . ■ Féadfaidh ***an Ghníomhaireacht Eorpach um an nGarda Teorann agus Cósta*** freisin ionadaí a cheapadh do Ghrúpa Comhairleach SFE-ETIAS ■ .

4. Ní bheidh comhaltaí den Bhord Bainistíochta ná a gcomhaltaí malartacha ina gcomhaltaí d'aon cheann de na Grúpaí Comhairleacha. Beidh an Stiúrthóir Feidhmiúcháin nó ionadaí an Stiúrthóra Feidhmiúcháin i dteideal freastal ar chruinnithe uile na nGrúpaí Comhairleacha mar bhreathnóirí.
5. ***Déanfaidh na Grúpaí Comhairleacha comhar le chéile nuair is gá.*** Leagfar síos na nósanna imeachta maidir le hoibriú agus comhar na nGrúpaí Comhairleacha i rialacha nós imeachta na Gníomhaireachta.
6. Agus tuairim á hullmhú acu, déanfaidh comhaltaí gach Grúpa Comhairleach a ndícheall teacht ar chomhdhearcadh. Mura féidir teacht ar chomhdhearcadh sa chás sin, is éard a bheidh sa tuairim seasamh réasúnaithe thromlach na gcomhaltaí. Déanfar an seasamh (na seasaimh) réasúnaithe mionlaigh a thaifeadadh freisin. Beidh feidhm ag Airteagal 20(3) agus (4) dá réir sin. Na comhaltaí a dhéanann ionadaíocht ar na tíortha atá comhlachaithe le acquis Schengen agus le bearta a bhaineann ***le Baile Átha Cliath*** agus Eurodac a chur chun feidhme, a chur i bhfeidhm agus a fhorbairt, beidh cead acu tuairimí a chur in iúl maidir le saincheisteanna nach bhfuil siad i dteideal vótáil orthu.

7. Gach Ballstát agus gach tír atá comhlachaithe le acquis Schengen agus le bearta a bhaineann *le Baile Átha Cliath* agus Eurodac a chur chun feidhme, a chur i bhfeidhm agus a fhorbairt déanfaidh sé gníomhaíochtaí na nGrúpaí Comhairleacha a éascú.
8. Maidir le cathaoirleacht na nGrúpaí Comhairleacha, beidh feidhm ag Airteagal 18 *mutatis mutandis*.

CAIBIDIL IV FORÁLACHA GINEARÁLTA

Airteagal 24

Foireann

1. Beidh feidhm ag na Rialacháin Foirne agus ag Coinníollacha Fostaíochta Seirbhíseach Eile agus ag na rialacha arna nglacadh trí chomhaontú idir institiúidí an Aontais chun éifeacht a thabhairt do na Rialacháin Foirne agus do Choinníollacha Fostaíochta Seirbhíseach Eile maidir le foireann na Gníomhaireachta, an Stiúrthóir Feidhmiúcháin san áireamh.

2. Chun críche na Rialachán Foirne a chur chun feidhme, measfar gur gníomhaireacht an Gníomhaireacht de réir bhrí Airteagal 1a(2) de na Rialacháin Foirne.
3. Beidh oifigigh, foireann shealadach nó foireann ar conradh ar fhoireann na Gníomhaireachta. Tabharfaidh an Bord Bainistíochta a thoiliú ar bhonn bliantúil i gcás ina dtiocfaidh na conarthaí a mbeidh sé beartaithe ag an Stiúrthóir Feidhmiúcháin a athnuachan chun a bheith ina gconarthaí tréimhse éiginnte de bhun na gCoinníollacha Fostaíochta.
4. Ní earcóidh an Gníomhaireacht foireann eatramhach chun dualgais airgeadais a mheastar a bheith íogair a chomhlíonadh.
5. Féadfaidh an Coimisiún agus na Ballstáit oifigigh nó saineolaithe náisiúnta a thabhairt ar iasacht don Gníomhaireacht ar bhonn sealadach. Glacfaidh an Bord Bainistíochta cinneadh lena leagfar síos rialacha maidir le saineolaithe náisiúnta a thabhairt ar iasacht don Gníomhaireacht.

6. Gan dochar d’Airteagal 17 de Rialacháin Foirne Oifigigh an Aontais, cuirfidh an Gníomhaireacht rialacha iomchuí rúndachta gairmiúla nó dualgais rúndachta coibhéiseacha eile i bhfeidhm.
7. Déanfaidh an Bord Bainistíochta, i gcomhaontú leis an gCoimisiún, na bearta cur chun feidhme is gá a ghlacadh, dá bhforáiltear in Airteagal 110 de na Rialacháin Foirne.

Airteagal 25

Leas an phobail

Gabhfaidh comhaltaí an Bhoird Bainistíochta, an Stiúrthóir Feidhmiúcháin, ***an Leas-Stiúrthóir Feidhmiúcháin*** agus comhaltaí na nGrúpaí Comhairleacha orthu féin gníomhú ar mhaithe le leas an phobail. Chuige sin, déanfaidh siad ráiteas tiomantais phoiblí i scríbhinn a eisiúint gach bliain, ***agus déanfar é sin a fhoilsiú ar shuíomh gréasáin na Gníomhaireachta.***

Déanfar liosta de chomhaltaí an Bhoird Bainistíochta ***agus de chomhaltaí na nGrúpaí Comhairleacha*** a fhoilsiú ar ***shuíomh gréasáin*** na Gníomhaireachta.

Airteagal 26

An comhaontú maidir leis an gCeanncheathrú agus comhaontuithe maidir leis na láithreáin theicniúla

1. Déanfar i gComhaontú maidir leis an gCeanncheathrú i ndáil le suíomh na Gníomhaireachta agus i gcomhaontuithe maidir leis na láithreáin theicniúla, ar comhaontuithe iad arna dtabhairt i gcrích idir an Ghníomhaireacht agus na Ballstáit óstacha tar éis formheas a fháil ón mBord Bainistíochta, na socruithe is gá a leagan síos maidir leis an gcóiríocht atá le soláthar don Ghníomhaireacht sna Ballstáit óstacha agus maidir leis na saoráidí atá le cur ar fáil ag na Ballstáit sin chomh maith leis na rialacha sonracha is infheidhme sna Ballstáit óstacha maidir leis an Stiúrthóir Feidhmiúcháin, le comhaltaí an Bhoird Bainistíochta, le foireann na Gníomhaireachta agus le baill dá dteaghlaigh.
2. Déanfaidh Ballstát óstach na Gníomhaireachta na dálaí **is gá** a sholáthar chun dea-fheidhmiú na Gníomhaireachta a áirithiú, lena n-áirítear, **inter alia**, córas oideachais ilteangach a bhfuil gné Eorpach ag baint leis agus naisc iomchuí iompair.

Airteagal 27
Pribhléidí agus díolúintí

Beidh feidhm ag an bPrótacal ar Phribhléidí agus Díolúintí an Aontais Eorpaigh maidir leis an nGníomhaireacht.

Airteagal 28
Dliteanas

1. Beidh dliteanas conarthach na Gníomhaireachta faoi rialú ag an dlí is infheidhme maidir leis an gconradh atá i gceist.
2. Beidh dlínse ag Cúirt Bhreithiúnais an Aontais Eorpaigh breithiúnas a thabhairt de bhun aon chlásal eadrána atá i gconradh arna thabhairt i gcrích ag an nGníomhaireacht.
3. I gcás dliteanas neamhchonarthach, slánóidh an Gníomhaireacht, i gcomhréir leis na prionsabail ghinearálta is coiteann do dhlíthe na mBallstát, aon damáiste arbh iad a ranna nó a seirbhísigh ba chúis leis agus a gcuid dualgas á gcomhlíonadh acu.

4. Beidh dlínse ag Cúirt Bhreithiúnais an Aontais Eorpaigh i ndíospóidí a bhaineann leis an gcúiteamh as an damáiste dá dtagraítear i mír 3.
5. Beidh dliteanas pearsanta a foirne i leith na Gníomhaireachta faoi rialú ag na forálacha a leagtar síos sna Rialacháin Foirne nó sna Coinníollacha Fostaíochta Seirbhíseach Eile is infheidhme maidir leo.

Airteagal 29

Socruithe teangacha

1. Beidh feidhm ag forálacha Rialachán CEE Uimh. 1 ón gComhairle⁵² maidir leis an nGníomhaireacht.
2. Gan dochar do chinntí arna ndéanamh de bhun Airteagal 342 CFAE, déanfar an doiciméad clársceidealaithe aonair agus an tuarascáil bhliantúil ar ghníomhaíochtaí dá dtagraítear in Airteagal 15(1)(q) agus (s) den Rialachán seo a chur ar fáil i ngach ceann de theangacha oifigiúla institiúidí an Aontais.

⁵² Rialachán CEE Uimh. 1 ón gComhairle an 15 Aibreán 1958 lena gcinntear na teangacha a úsáidfear i gComhphobal Eacnamaíochta na hEorpa (IO 17, 6.10.1958, lch. 385).

3. Féadfaidh an Bord Bainistíochta cinneadh a ghlacadh maidir leis na teangacha oibre gan dochar do na hoibleagáidí a leagtar amach i mír 1 agus i mír 2.
4. Is é Ionad Aistriúcháin Chomhlachtaí an Aontais Eorpaigh a sholáthróidh na seirbhísí aistriúcháin is gá le haghaidh ghníomhaíochtaí na Gníomhaireachta.

Airteagal 30

Trédhearcacht agus cumarsáid

1. Beidh feidhm ag Rialachán (CE) Uimh. 1049/2001 maidir le doiciméid atá i seilbh na Gníomhaireachta.
2. Glacfaidh an Bord Bainistíochta na rialacha mionsonraithe maidir le Rialachán (CE) Uimh. 1049/2001 a chur i bhfeidhm **ar** bhonn togra de chuid an Stiúrthóra Feidhmiúcháin **gan mhoill**.

3. Féadfaidh cinntí arna nglacadh ag an nGníomhaireacht de bhun Airteagal 8 de Rialachán (CE) Uimh. 1049/2001 a bheith ina n-ábhar gearáin chuig an Ombudsman Eorpach nó a bheith ina n-ábhar caingne os comhair Chúirt Bhreithiúnais an Aontais Eorpaigh, faoi na coinníollacha a leagtar síos in Airteagal 228 agus in Airteagal 263 faoi seach de Chonradh CFAE .
4. Déanfaidh an Ghníomhaireacht cumarsáid i gcomhréir leis na hionstraimí reachtacha lena rialaítear forbairt, bunú, oibriú agus úsáid córas mórscála TF agus féadfaidh sí dul i mbun gníomhaíochtaí cumarsáide ar a tionscnamh féin laistigh dá réimse inniúlachta. Áiritheoidh sí, go háirithe, go ndéanfar faisnéis faoina cuid oibre atá oibiachtúil, cruinn, iontaofa, cuimsitheach agus sothuigthe a thabhairt go tapa don phobal agus d'aon pháirtí leasmhar faoina cuid oibre, i dteannta na bhfoilseachán a shonraítear in Airteagal 15(1)(q), (s), (ii), (jj), (kk) , (ll) agus Airteagal 42(9). Ní dhéanfaidh leithdháileadh acmhainní ar ghníomhaíochtaí cumarsáide dochar d'fheidhmiú éifeachtach chúraimí an Aontais dá dtagraítear in Airteagal 3 go hAirteagal 12. Déanfar gníomhaíochtaí cumarsáide i gcomhréir le pleananna ábhartha maidir le cumarsáid agus scaipeadh arna nglacadh ag an mBord Bainistíochta.

5. Beidh aon duine nádúrtha nó dlítheanach i dteideal comhfhreagras i scríbhinn a chur chuig an nGníomhaireacht in aon cheann de theangacha oifigiúla an Aontais. Beidh sé de cheart ag ***an duine lena mbaineann*** freagra a fháil sa teanga chéanna.

Airteagal 31

Cosaint sonraí

1.  Beidh próiseáil sonraí pearsanta arna déanamh ag an nGníomhaireacht faoi réir Rialachán (CE) Uimh. 45/2001 ***[nó Rialachán (AE) XX/2018 maidir le daoine aonair a chosaint i ndáil le sonraí pearsanta a phróiseáil ag institiúidí nó comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus i ndáil le Rialachán (CE) Uimh. 45/2001 agus Cinneadh Uimh. 1247/2002/CE a aisghairm]***.
2. Bunóidh an Bord Bainistíochta bearta lena gcuirfidh an Gníomhaireacht i bhfeidhm Rialachán (CE) Uimh. 45/2001 ***[nó Rialachán (AE) XX/2018 maidir le daoine aonair a chosaint i ndáil le sonraí pearsanta a phróiseáil ag institiúidí nó comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus i ndáil le Rialachán (CE) Uimh. 45/2001 agus Cinneadh Uimh. 1247/2002/CE a aisghairm]***, lena n-áirítear na bearta a bhainfidh leis an Oifigeach Cosanta Sonraí. Bunófar na bearta sin tar éis dul i gcomhairle leis an Maoirseoir Eorpach ar Chosaint Sonraí.

Airteagal 32

Cuspóirí na próiseála ar shonraí pearsanta

1. Is chun na gcríoch seo a leanas amháin a fhéadfaidh an Ghníomhaireacht sonraí pearsanta a phróiseáil:
 - (a) i gcás inar ***gá sin chun*** a cúraimí ***a dhéanamh***, ar cúraimí iad a bhaineann le bainistiú oibríochtúil córas mórsála TF a chuirtear de chúram uirthi faoi dhlí an Aontais;
 - (b) i gcás inar ***gá sin*** i dtaca le cúraimí riaracháin.
2. I gcás ina bpróiseálann an Ghníomhaireacht sonraí pearsanta chun na críche dá dtagraítear i mír 1(a), beidh feidhm ag ***Rialachán 45/2000 [nó Rialachán (AE) XX/2018 maidir le daoine aonair a chosaint i ndáil le sonraí pearsanta a phróiseáil ag institiúidí nó comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin agus i ndáil le Rialachán (CE) Uimh. 45/2001 agus Cinneadh Uimh. 1247/2002/CE a aisghairm] gan dochar do*** na forálacha sonracha maidir le cosaint sonraí agus slándáil sonraí na n-ionstraimí reachtacha ábhartha faoi seach lena rialaítear forbairt, bunú, oibriú agus úsáid na gcóras mórsála TF arna mbainistiú ag an nGníomhaireacht

Airteagal 33

Rialacha slándála maidir le faisnéis rúnaicmithe agus faisnéis íogair neamh-rúnaicmithe a chosaint

1. Glacfaidh an Ghníomhaireacht a rialacha slándála féin a bheidh bunaithe ar na prionsabail agus na rialacha a leagtar síos i rialacha slándála an Choimisiúin maidir le faisnéis rúnaicmithe an Aontais Eorpaigh (FRAE) agus faisnéis íogair neamh-rúnaicmithe a chosaint lena n-áirítear, *inter alia*, forálacha maidir leis an bhfaisnéis sin a mhalartú **le tríú stáit**, a phróiseáil agus a stóráil, mar a leagtar amach i gCinneadh (AE, Euratom) 2015/443⁵³ ón gCoimisiún agus i gCinneadh (AE, Euratom) 2015/444 ón gCoimisiún⁵⁴. Aon **socrú riaracháin maidir le** faisnéis rúnaicmithe a mhalartú leis na húdaráis ábhartha de chuid tríú Stát **nó, in éagmais aon socrú den sórt sin, aon socrú maidir le FRAE a scaoileadh ar bhonn ad hoc chuig na húdaráis sin**, beidh formheas faighte aige roimh ré ón gCoimisiún.
2. Glacfaidh an Bord Bainistíochta na rialacha slándála tar éis formheas a fháil ón gCoimisiún. Féadfaidh an Ghníomhaireacht na bearta uile is gá a dhéanamh chun malartú na faisnéise is ábhartha maidir lena cúraimí a éascú leis an gCoimisiún agus leis na Ballstáit agus, i gcás inarb iomchuí, leis na gníomhaireachtaí ábhartha de chuid an Aontais. Déanfaidh sí córas faisnéise a fhorbairt agus a oibriú, ar córas é a mbeidh sé d'acmhainn aige faisnéis rúnaicmithe a mhalartú leis na gníomhaithe sin i gcomhréir le **■** Cinneadh (AE, Euratom) 2015/444 ón gCoimisiún. De bhun Airteagal 2 agus Airteagal 15(1)(y) den Rialachán seo, déanfaidh an Bord Bainistíochta cinneadh maidir leis an struchtúr inmheánach is gá don Ghníomhaireacht chun na prionsabail slándála iomchuí a chomhlíonadh.

⁵³ Cinneadh (AE, Euratom) 2015/443 ón gCoimisiún an 13 Márta 2015 maidir le slándáil sa Choimisiún (IO L 72, 17.3.2015, lch. 4).

⁵⁴ Cinneadh (AE, Euratom) 2015/444 ón gCoimisiún an 13 Márta 2015 maidir leis na rialacha slándála chun faisnéis rúnaicmithe de chuid an Aontais Eorpaigh a chosaint (IO L 72, 17.3.2015, lch. 53).

Airteagal 34
Slándáil na Gníomhaireachta

1. Is í an Gníomhaireacht a bheidh freagrach as an tslándáil agus as ord a choimeád laistigh de na foirgnimh, na háitribh agus an talamh atá in úsáid aici. Cuirfidh an Gníomhaireacht i bhfeidhm prionsabail slándála agus forálacha ábhartha na n-ionstraimí reachtacha lena rialaítear forbairt, bunú, oibriú agus úsáid na gcóras mórsála TF.
2. Déanfaidh na Ballstáit óstacha gach beart éifeachtach agus leordhóthanach is gá chun ord agus slándáil a choimeád díreach in aice leis na foirgnimh, na háitribh agus an talamh atá in úsáid ag an nGníomhaireacht agus déanfaidh siad an chosaint iomchuí a sholáthar don Gníomhaireacht, i gcomhréir leis an gcomhaontú ábhartha maidir leis an gCeanncheathrú i ndáil le suíomh na Gníomhaireachta agus i gcomhréir leis na comhaontuithe maidir leis na láithreáin theicniúla agus na láithreáin chúltaca, agus saor-rochtain ar na foirgnimh, ar na háitribh agus ar an talamh sin á ráthú do dhaoine arna n-údarú ag an nGníomhaireacht an tráth céanna.

Airteagal 35
Meastóireacht

1. Tráth nach déanaí ná cúig bliana ón lá a dtiocfaidh an Rialachán seo i bhfeidhm, agus gach cúig bliana ina dhiaidh sin, déanfaidh an Coimisiún, ***tar éis dul i gcomhairle leis an mBord Bainistíochta, meastóireacht, i gcomhréir le treoirlínte an Choimisiúin, ar fheidhmíocht na Gníomhaireachta*** i ndáil lena cuspóirí, a sainordú, ***a láithreacha agus a cúraimí*** de. Déanfar a mheas sa mheastóireacht ***sin*** freisin ***scrúdú ar chur chun feidhme fhorálacha an Rialacháin seo agus ar an tslí a gcuireann an Gníomhaireacht go héifeachtach le bainistiú oibríochtúil a dhéanamh ar chórais mhórsála TF agus le timpeallacht TF atá comhordaithe, costéifeachtach agus comhleanúnach a bhunú ar leibhéal an Aontais sa limistéar saoirse, slándála agus ceartais***, agus ***ar a mhéid a dhéantar amhlaidh***. Rachfar i ngleic go háirithe sa mheastóireacht leis an riachtanas a d'fhéadfadh a bheith ann i leith shainordú na Gníomhaireachta a mhodhnú, agus leis na himpleachtaí airgeadais a bheadh le haon athrú den sórt sin. ***Féadfaidh an Bord Bainistíochta moltaí a eisiúint don Choimisiún maidir le leasuithe ar an Rialachán seo.***

2. I gcás ina measfaidh an Coimisiún nach bhfuil údar a thuilleadh ag an nGníomhaireacht leanúint leis na cuspóirí, an sainordú agus na cúraimí atá sannta di, féadfaidh sé a mholadh an Rialachán seo a leasú dá réir nó a aisghairm.
3. Ní mór don Choimisiún torthaí na meastóireachta a thuairisciú don Pharlaimint, don Chomhairle agus don Bhord Bainistíochta. Cuirfear torthaí na meastóireachta ar fáil don phobal.

Airteagal 36

Fiosrúcháin riaracháin

Ba cheart gníomhaíochtaí na Gníomhaireachta a bheith faoi réir ***fhiosrúcháin*** an Ombudsman Eorpaigh i gcomhréir le hAirteagal 228 CFAE.

Airteagal 37

Comhar le hinstitiúidí, comhlachtaí, oifigí agus gníomhaireachtaí de chuid an Aontais

1. Oibreoidh an Ghníomhaireacht i gcomhar leis an gCoimisiún agus le hinstitiúidí, comhlachtaí, oifigí agus gníomhaireachtaí eile de chuid an Aontais, go háirithe leo sin atá bunaithe sa limistéar saoirse, slándála agus ceartais agus go háirithe leis an nGníomhaireacht Eorpach um Chearta Bunúsacha maidir le cúrsaí arna gcumhdach leis an Rialachán seo, ***chun, inter alia, comhordú agus coigiltis airgeadais a bhaint amach, chun dúbailt a sheachaint agus chun sineirge agus comhlántacht a chur chun cinn maidir lena gcuid gníomhaíochtaí.***
2. Oibreoidh an Ghníomhaireacht i gcomhar leis an gCoimisiún faoi chuimsiú socrú oibre lena leagtar síos na modhanna oibre oibríochtúla.
3. Rachaidh an Ghníomhaireacht i gcomhairle le Gníomhaireacht an Aontais Eorpaigh um Shlándáil Gréasáin agus Faisnéise maidir le slándáil líonraí ***agus faisnéise***, i gcás inarbiomchuí.

4. Rachfar i gcomhar le comhlachtaí, oifigí agus gníomhaireachtaí de chuid an Aontais faoi chuimsiú socruithe oibre. Déanfaidh an **Bord Bainistíochta na** socruithe sin **a údarú agus cuirfear tuairim an Choimisiúin san áireamh iontu. Mura leanann an Gníomhaireacht tuairim an Choimisiúin, tabharfaidh sé údar maith leis na cúiseanna.** Féadfar foráil a dhéanamh sna socruithe sin maidir le seirbhísí a roinnt idir gníomhaireachtaí i gcás inarb iomchuí de réir ghaireacht na suíomhanna nó an réimse beartais faoi theorainneacha na sainorduithe atá acu agus gan dochar dá bpríomhchúraimí, **agus féadfaidh sé an sásra um aisghabháil costas a bhunú.**
5. Na hinstitiúidí, comhlachtaí, oifigí agus gníomhaireachtaí de chuid an Aontais dá dtagraítear i mír 1, ní bhainfidh siad úsáid as faisnéis a gheobhaidh siad ón nGníomhaireacht ach amháin laistigh de theorainneacha a n-inniúlachtaí agus a mhéid a urramaíonn siad cearta bunúsacha an duine, lena n-áirítear ceanglais cosanta sonraí. Maidir le sonraí pearsanta arna bpróiseáil ag an nGníomhaireacht a tharchur **nó** a sheoladh ar aon slí eile chuig institiúidí, comhlachtaí, oifigí nó gníomhaireachtaí de chuid an Aontais, beidh an tarchur sin faoi réir socruithe sonracha oibre i ndáil le malartú sonraí pearsanta agus beidh sé faoi réir formheas roimh ré ón Maoirseoir Eorpach ar Chosaint Sonraí. Beidh aon aistriú sonraí pearsanta a dhéanfaidh an Gníomhaireacht i gcomhréir leis na forálacha cosanta sonraí a leagtar síos in Airteagal 31 agus Airteagal 32. Maidir le faisnéis rúnaicmithe a láimhseáil, déanfar foráil sna socruithe sin maidir leis an institiúid, comhlacht, oifig nó gníomhaireacht de chuid an Aontais na rialacha agus caighdeáin slándála a chomhlíonadh, a bheidh coibhéiseach leo siúd a chuireann an Gníomhaireacht i bhfeidhm.

Rannpháirtíocht tíortha atá comhlachaithe le acquis Schengen a chur chun feidhme, a chur i bhfeidhm agus a fhorbairt **agus** le bearta a bhaineann **le córas Bhaile Átha Cliath** agus le Eurodac

1. Beidh cead rannpháirtíochta sa Gníomhaireacht ag ■ tíortha a bhfuil comhaontuithe déanta acu leis an Aontas **maidir le comhlachas a bheith acu le cur chun feidhme, cur i bhfeidhm agus forbairt acquis Schengen agus le bearta a bhaineann le córas Bhaile Átha Cliath agus le Eurodac.**
2. Faoi fhorálacha ábhartha na gcomhaontuithe ■ dá dtagraítear i mír 1, déanfar socruithe chun, *inter alia*, cineál agus méid ■ rannpháirtíocht na dtíortha **dá dtagraítear i mír 1** in obair na Gníomhaireachta, lena n-áirítear forálacha maidir le ranníocaíochtaí airgeadais, maidir leis an bhfoireann agus le cearta vótála a shonrú, agus déanfar socruithe chun na rialacha mionsonraithe maidir le rannpháirtíocht na dtíortha sin a shonrú freisin.

Airteagal 38a

Comhar le heagraíochtaí idirnáisiúnta agus eintitis ábhartha eile

- 1. I gcás ina bhforáiltear dó le gníomh de chuid an Aontais, a mhéid is gá chun a chúraimí a chomhlíonadh, féadfaidh an Ghníomhaireacht, trí bhíthin socrúithe oibre a thabhairt chun críche, caidreamha bhunú agus a choinneáil le heagraíochtaí idirnáisiúnta agus lena gcuid fochomhlachtaí a rialaítear leis an dlí idirnáisiúnta poiblí nó le heintitis nó comhlachtaí ábhartha eile, arna mbunú ag comhaontú idir dhá thír nó níos mó, nó ar bhonn comhaontaithe idir dhá thír nó níos mó.*
- 2. I gcomhréir le mír 1, féadfar socrúithe oibre a thabhairt i gcrích ina sonrófar, go háirithe, raon feidhme, cineál, cuspóir agus méid an chomhair sin. Ní fhéadfar na socrúithe oibre sin a thabhairt i gcrích ach i gcás ina n-údaraíonn an Bord Bainistíochta iad agus ina bhfaomhann an Coimisiún roimh ré iad.*

CAIBIDIL V
BUNÚ AGUS STRUCHTÚR AN BHUISÉID

ROINN 1
DOICIMÉAD CLÁRSCEIDEALAITHE AONAIR

Airteagal 39

Doiciméad clársceidealaithe aonair

1. Gach bliain, déanfaidh an Stiúrthóir Feidhmiúcháin dréachtdoiciméad clársceidealaithe aonair a tharraingt suas ■ don bhliain ina dhiaidh sin, mar a leagtar amach in Airteagal 32 de Rialachán Tarmligthe (AE) Uimh. 1271/2013 agus i rialacha airgeadais na Gníomhaireachta dá dtagraítear in Airteagal 44 agus treoirlínte arna leagan síos ag an gCoimisiún á gcur san áireamh.

Is éard a bheidh sa doiciméad clársceidealaithe aonair clár oibre bliantúil mar aon leis an mbuiséad agus faisnéis faoi na hacmhainní, mar a leagtar amach go mionsonraithe i rialacha airgeadais na Gníomhaireachta dá dtagraítear in Airteagal 44.

2. Glacfaidh an Bord Bainistíochta an dréachtdoiciméad clársceidealaithe aonair tar éis dul i gcomhairle leis na Grúpaí Comhairleacha agus cuirfidh sé faoi bhráid Pharlaimint na hEorpa, na Comhairle agus an Choimisiúin é faoin 31 Eanáir ar a dhéanaí gach bliain chomh maith le haon leagan nuashonraithe den doiciméad sin.
3. Roimh an 30 Samhain gach bliain, glacfaidh an Bord Bainistíochta, le tromlach dhá thrían de na comhaltaí a bhfuil ceart vótála acu, agus i gcomhréir leis an nós imeachta buiséadach bliantúil ■, an doiciméad clársceidealaithe aonair, agus an tuairim ón gCoimisiún á cur san áireamh. Áiritheoidh an Bord Bainistíochta go dtarchuirfear an leagan cinntitheach den doiciméad clársceidealaithe aonair sin chuig Parlaimint na hEorpa, chuig an gComhairle agus chuig an gCoimisiún agus go bhfoilseofar é ■.

4. Tiocfaidh an doiciméad clársceidealaithe aonair chun bheith cinntitheach tar éis buiséad ginearálta an Aontais a ghlacadh go críochnaitheach agus déanfar coigeartú air dá réir, más gá sin. Déanfar an doiciméad clársceidealaithe aonair atá glactha a tharchur chuig an bParlaimint, chuig an gComhairle agus chuig an gCoimisiún agus foilseofar é.
5. Beidh sa chlár oibre bliantúil don bhliain ina dhiaidh sin cuspóirí mionsonraithe chomh maith leis na torthaí a bhfuiltear ag súil leo, lena n-áirítear táscairí feidhmíochta. Beidh tuairisc ann freisin ar na bearta atá le maoiniú agus léiriú ar na hacmhainní airgeadais agus daonna a bheidh sannta do gach beart, i gcomhréir le prionsabail an bhuiséadaithe agus an bhainistithe de réir gníomhaíochtaí. Beidh an clár oibre bliantúil i gcomhréir leis an gclár oibre ilbhliantúil dá dtagraítear i mír 6. Sonrófar go soiléir ann na cúraimí a cuireadh leis, a athraíodh nó a scriosadh i gcomparáid leis an mbliain airgeadais roimhe. Déanfaidh an Bord Bainistíochta an clár oibre bliantúil atá glactha a leasú nuair a thabharfar cúram nua don Ghníomhaireacht. Is leis an nós imeachta céanna a úsáideadh don chlár oibre bliantúil tosaigh a ghlacfar aon leasú substaintiúil ar an gclár oibre bliantúil. Féadfaidh an Bord Bainistíochta an chumhacht leasuithe neamhshubstainteacha a dhéanamh ar an gclár oibre bliantúil a tharmligean chuig an Stiúrthóir Feidhmiúcháin.

6. Leagfar amach sa chlársceidealú ilbhliantúil an clársceidealú straitéiseach foriomlán, lena n-áirítear na cuspóirí, na torthaí a mbeifear ag súil leo agus na táscairí feidhmíochta. Leagfar amach ann freisin clársceidealú acmhainní, lena n-áirítear an buiséad ilbhliantúil agus an fhoireann. Déanfar an clársceidealú acmhainní a thabhairt cothrom le dáta gach bliain. Déanfar an clársceidealú straitéiseach a nuashonrú i gcás inarb iomchuí, agus go háirithe chun dul i ngleic le toradh na meastóireachta dá dtagraítear in Airteagal 35.

Airteagal 40

An buiséad a bhunú

1. Gach bliain déanfaidh an Stiúrthóir Feidhmiúcháin, agus na gníomhaíochtaí a dhéanann an Gníomhaireacht á gcur san áireamh, dréachtráiteas a tharraingt suas de mheastacháin ar ioncam agus caiteachas na Gníomhaireachta don bhliain airgeadais ina dhiaidh sin, lena n-áirítear **dréacht**phlean bunaíochta, agus cuirfidh sé chuig an mBord Bainistíochta é.

2. Glacfaidh an Bord Bainistíochta, ar bhonn an dréachtráitis meastachán arna tharraingt suas ag an Stiúrthóir Feidhmiúcháin, dréachtmheastachán ar ioncam agus caiteachas na Gníomhaireachta don bhliain airgeadais ina dhiaidh sin, lena n-áirítear an dréachtphean bunaíochta. Cuirfidh an Bord Bainistíochta na doiciméid sin chuig an gCoimisiún agus na tíortha a bhfuil baint acu le acquis Schengen a chur chun feidhme, a chur i bhfeidhm agus a fhorbairt *agus* le bearta a bhaineann *le córas Bhaile Átha Cliath* agus le Eurodac, mar chuid de dhoiciméad clársceidealaithe aonair, faoin 31 Eanáir gach bliain.
3. Cuirfidh an Coimisiún an dreachtmheastachán chuig Parlaimint na hEorpa agus chuig an gComhairle (“an t-údarás buiséadach”) mar aon le réamh-dhréachtbhuiséad ginearálta an Aontais Eorpaigh.
4. Ar bhonn an dréachtmheastacháin, cuirfidh an Coimisiún i ndréachtbhuiséad ginearálta an Aontais Eorpaigh na meastacháin sin a mheasann sé is gá don phlean bunaíochta agus méid an fhóirdheontais a dhéanfar a mhuirearú ar an mbuiséad ginearálta, agus cuirfidh sé faoi bhráid an údaráis bhuiséadaigh iad i gcomhréir le hAirteagal 313 agus le hAirteagal 314 CFAE.

5. Is é an t-údarás buiséadach a údaróidh na leithreasaí i gcomhair na ranníocaíochta don Ghníomhaireacht.
6. Is é an t-údarás buiséadach a ghlacfaidh an plean bunaíochta don Ghníomhaireacht.
7. Is é an Bord Bainistíochta a ghlacfaidh buiséad na Gníomhaireachta. Beidh sé ina bhuiséad críochnaitheach nuair a bheidh glactha go críochnaitheach le buiséad ginearálta an Aontais Eorpaigh. I gcás inarb iomchuí déanfar é a choigeartú dá réir sin.
8. Maidir le haon mhodhnú ar an mbuiséad, lena n-áirítear an plean bunaíochta, déanfar é de réir an nós imeachta chéanna.

9. ***Gan dochar d’Airteagal 13(5a)***, tabharfaidh an Bord Bainistíochta, a luaithé agus is féidir, fógra don údarás buiséadach i dtaca le tionscadal a bhfuil sé beartaithe aige a chur chun feidhme a bhféadfadh impleachtaí suntasacha airgeadais a bheith aige maidir leis an mbuiséad a chistiú, go háirithe aon tionscadail a bhaineann le maoin amhail foirgnimh a ghlacadh ar cíós nó a cheannach. Cuirfidh siad an Coimisiún ar an eolas faoi sin. Má tá sé i gceist ag ceachtar den dá bhainse den údarás buiséadach tuairim a eisiúint, laistigh de choicís tar éis dó an fhaisnéis maidir leis an tionscadal a fháil, tabharfaidh sé fógra don Bhord Bainistíochta go bhfuil sé beartaithe aige tuairim den sórt sin a thabhairt. Mura bhfaighfear freagra, féadfaidh an Ghníomhaireacht dul ar aghaidh leis an oibríocht arna beartú. I gcás aon tionscadail ar dócha go mbeidh impleachtaí móra aige ar bhuiséad na Gníomhaireachta, beidh feidhm ag forálacha Rialachán Tarmligthe (AE) Uimh. 1271/2013 maidir leis.

ROINN 2

AN BUISÉAD A CHUR CHUN FEIDHME, A THÍOLACADH AGUS A RIALÚ

Airteagal 41

Struchtúr an bhuiséid

1. Ullmhófar meastacháin ar ioncam agus ar chaiteachas uile na Gníomhaireachta gach bliain airgeadais, de réir na bliana féilire, agus léireofar i mbuiséad na Gníomhaireachta iad.
2. Déanfar **buiséad** na Gníomhaireachta a chomhardú i dtéarmaí ioncaim agus caiteachais.
3. Gan dochar do chineálacha eile ioncam, is éard a bheidh in ioncam na Gníomhaireachta:
 - (a) ranníocaíocht ón Aontas, arna hiontráil i mbuiséad ginearálta an Aontais Eorpaigh (roinn an Choimisiúin);

- (b) ranníocaíocht ó na tíortha a bhfuil baint acu le acquis Schengen a chur chun feidhme, a chur i bhfeidhm agus a fhorbairt **agus** le bearta a bhaineann **le córas Bhaile Átha Cliath** agus le Eurodac, ar tíortha iad a ghlacann páirt in obair na Gníomhaireachta arna suí sna comhaontuithe comhlachais ábhartha agus sna **socruithe** dá dtagraítear in Airteagal 38 ina sonraítear a ranníocaíocht airgeadais;
- (c) cistiú ón Aontas i bhfoirm comhaontuithe tarmligin i gcomhréir le rialacha airgeadais na Gníomhaireachta dá dtagraítear in Airteagal 44 agus le forálacha na n-ionstraimí ábhartha a thacaíonn le beartais an Aontais;
- (d) ranníocaíochtaí arna n-íoc ag na Ballstáit as na seirbhísí a sholáthraítear dóibh i gcomhréir leis an gcomhaontú tarmligin dá dtagraítear in Airteagal 12;
- (da) ranníocaíochtaí arna n-íoc ag comhlachtaí, oifigí agus gníomhaireachtaí an Aontais as na seirbhísí a sholáthraítear dóibh i gcomhréir leis an gcomhaontú tarmligin dá dtagraítear in Airteagal 37;**
- (f) aon ranníocaíocht airgeadais dheonach ó na Ballstáit.

4. Cuirfear luach saothair foirne, speansais riaracháin agus bonneagair agus caiteachas oibríochtúil san áireamh i gcaiteachas na Gníomhaireachta.

Airteagal 42

An buiséad a chur chun feidhme agus a rialú

1. Is é an Stiúrthóir Feidhmiúcháin a chuirfidh buiséad na Gníomhaireachta chun feidhme.
2. Gach bliain, déanfaidh an Stiúrthóir Feidhmiúcháin an fhaisnéis uile is ábhartha maidir le torthaí na nósanna imeachta meastóireachta a chur chuig an údarás buiséadach.
3. Faoi 1 Márta de bhliain airgeadais N+1, cuirfidh oifigeach cuntasáochta na Gníomhaireachta na cuntais shealadacha do bhliain N in iúl d'oifigeach cuntasáochta an Choimisiúin agus don Chúirt Iniúchóirí. Déanfaidh oifigeach cuntasáochta an Choimisiúin cuntais shealadach na n-institiúidí agus na gcomhlachtaí díláraithe a chomhdhlúthú i gcomhréir le hAirteagal 147 de Rialachán (AE, Euratom) Uimh. 966/2012.

4. Cuirfidh an ***Stiúrthóir Feidhmiúcháin*** an tuarascáil ar an mbainistiú buiséadach agus airgeadais do bhliain N chuig an bParlaimint, chuig an gComhairle agus chuig an gCúirt Iniúchóirí faoin 31 Márta de bhliain N+1.
5. Cuirfidh Oifigeach Cuntasaíochta an Choimisiúin cuntais shealadacha na Gníomhaireachta do bhliain N, arna gcomhdhlúthú le cuntais an Choimisiúin, chuig an gCúirt Iniúchóirí faoin 31 Márta de bhliain N+1.

6. Ar bharúlacha na Cúirte Iniúcháirí a fháil maidir le cuntais shealadacha na Gníomhaireachta, de bhun Airteagal 148 de Rialachán (AE, Euratom) Uimh. 966/2012 ó Pharlaimint na hEorpa agus ón gComhairle, déanfaidh an Stiúrthóir Feidhmiúcháin cuntais chríochnaitheacha na Gníomhaireachta a tharraingt suas faoina fhreagracht féin agus cuirfidh sé faoi bhráid an Bhoird Bainistíochta iad chun tuairim a fháil.
7. Tabharfaidh an Bord Bainistíochta tuairim uaidh maidir le cuntais chríochnaitheacha na Gníomhaireachta do bhliain N.
8. Faoin 1 Iúil de bhliain N+1, cuirfidh an Stiúrthóir Feidhmiúcháin na cuntais chríochnaitheacha, mar aon le tuairim an Bhoird Bainistíochta, chuig Parlaimint na hEorpa, chuig an gComhairle, chuig an gCoimisiún agus chuig an gCúirt Iniúcháirí agus chuig na tíortha atá comhlachaithe le acquis Schengen a chur chun feidhme, a chur i bhfeidhm agus a fhorbairtagus le bearta a bhaineann *le córas Bhaile Átha Cliath* agus le Eurodac.

9. Foilseofar na cuntais chríochnaitheacha do bhliain N in Iris Oifigiúil an Aontais Eorpaigh faoin 15 Samhain de bhliain N+1.
10. Cuirfidh an Stiúrthóir Feidhmiúcháin freagra chuig an gCúirt Iniúchóirí ar a barúlacha siúd faoin 30 Meán Fómhair de bhliain N+1. Cuirfidh an Stiúrthóir Feidhmiúcháin an freagra sin chuig an mBord Bainistíochta freisin.
11. Cuirfidh an Stiúrthóir Feidhmiúcháin, ar iarraidh ó Pharlaimint na hEorpa, aon fhaisnéis is gá faoina bráid chun an nós imeachta urscaoilte a chur i bhfeidhm go rianúil do bhliain N, i gcomhréir le hAirteagal 165(3) de Rialachán (AE, Euratom) Uimh. 966/2012.
12. Déanfaidh Parlaimint na hEorpa, ar mholadh ón gComhairle ag gníomhú di trí thromlach cáilithe, urscaoileadh a thabhairt don Stiúrthóir Feidhmiúcháin roimh an 15 Bealtaine de bhliain N+2 i dtaca le cur chun feidhme an bhuiséid do bhliain N.

Airteagal 43
Coinbhleachtaí leasa a chosc

Glacfaidh an Gníomhaireacht rialacha inmheánacha lena gceanglaítear ar bhaill a comhlachtaí agus ar a baill foirne aon staid a sheachaint a d'fhéadfadh a bheith ina cúis le coinbhleacht leasa le linn a bhfostaíochta nó a dtéarma oifige agus na staideanna sin a thuairisciú. ***Déanfar na rialacha inmheánacha sin a fhoilsiú ar shuíomh gréasáin na Gníomhaireachta.***

Airteagal 44
Rialacha airgeadais

Déanfaidh an Bord Bainistíochta na rialacha airgeadais is infheidhme maidir leis an nGníomhaireacht a ghlacadh tar éis dó dul i gcomhairle leis an gCoimisiún. Ní imeoidh siad ó Rialachán Tarmligthe (AE) Uimh. 1271/2013 mura mbeidh gá leis an imeacht sin go sonrach d'oibriú na Gníomhaireachta agus mura mbeidh an Coimisiún tar éis toiliú don imeacht sin roimh ré.

Airteagal 45
Calaois a chomhrac

1. Beidh feidhm ag Rialachán (CE) Uimh. 883/2013 *agus ag Rialachán 2017/1939* chun calaois, éilliú agus gníomhaíochtaí neamhdhleathacha eile a chomhrac.
2. Aontóidh an Ghníomhaireacht don Chomhaontú Idirinstitiúideach an 25 Bealtaine 1999 maidir le himscrúduithe inmheánacha arna ndéanamh ag an Oifig Eorpach Frith-Chalaoise (OLAF) agus glacfaidh sí, gan mhoill, na forálacha iomchuí is infheidhme maidir le foireann uile na Gníomhaireachta agus an teimpléad a leagtar amach san Iarscríbhinn a ghabhann leis an gComhaontú á úsáid aici.

Beidh cumhacht ag an gCúirt Iniúchóirí iniúchtaí a dhéanamh, ar bhonn doiciméad agus cigireachtaí ar an láthair, ar gach tairbhí deontais, ar gach conraitheoir agus ar gach fochonraitheoir a fuair cistí an Aontais ón nGníomhaireacht.

3. Féadfaidh OLAF imscrúduithe a dhéanamh, lena n-áirítear seiceálacha agus cigireachtaí ar an láthair, agus é mar aidhm acu a shuí ar tharla calaois, éilliú nó aon ghníomhaíocht mhídhleathach eile a dhéanfadh difear do leas an Aontais i ndáil le deontas nó conradh arna mhaoiniú ag an nGníomhaireacht, i gcomhréir leis na forálacha agus na nósanna imeachta a leagtar síos i Rialachán (AE, Euratom) Uimh. 883/2013 agus i Rialachán (Euratom, CE) Uimh. 2185/96 ón gComhairle⁵⁵.
4. Gan dochar do mhír 1, do mhír 2 ná do mhír 3, beidh forálacha i gconarthaí, i gcomhaontuithe deontais agus i gcinntí deontais na Gníomhaireachta, ar forálacha iad lena dtabharfar an chumhacht go sainráite don Chúirt Iniúchóirí, do OLAF *agus do OIPE* iniúchtaí agus imscrúduithe den sórt sin a dhéanamh, i gcomhréir lena gcuid inniúlachtaí faoi seach.

⁵⁵ Rialachán (Euratom, CE) Uimh. 2185/96 ón gComhairle an 11 Samhain 1996 maidir le seiceálacha agus cigireachtaí ar an láthair arna ndéanamh ag an gCoimisiún chun leasanna airgeadais na gComhphobal Eorpach a chosaint i gcoinne na calaoise agus neamhrialtachtaí eile (IO L 292, 15.11.1996, lch. 2).

CAIBIDIL VI
LEASUITHE AR IONSTRAIMÍ EILE DE CHUID AN AONTAIS

Airteagal 46

Rialachán (CE) Uimh. 1987/2006 maidir leis an dara glúin de Chóras Faisnéise Schengen (SIS) a bhunú, a oibriú agus a úsáid (SIS II) ■

I Rialachán (CE) Uimh. 1987/2006 ■, cuirtear an méid seo a leanas in ionad Airteagal 15(2) agus (3):

- "(2) “Is é an tÚdarás Bainistíochta a bheidh freagrach as gach cúram a bhaineann leis an mbonneagar cumarsáide, go háirithe an méid seo a leanas:
- (a) maoirseacht;
 - (b) slándáil;
 - (c) comhordú an chaidrimh idir na Ballstáit agus an soláthraí;
 - (d) cúraimí a bhaineann le cur chun feidhme an bhuiséid;
 - (e) fáil agus athnuachan, agus
 - (f) ábhair a bhaineann le conarthaí.”

Airteagal 47

Cinneadh 2007/533/JHA ón gComhairle an 12 Meitheamh 2007 maidir leis an dara glúin de Chóras Faisnéise Schengen (SIS II) a bhunú, a oibriú agus a úsáid

I gCinneadh 2007/533/JHA , cuirtear an méid seo a leanas in ionad Airteagal 15(2) agus (3):

“2. Is é an tÚdarás Bainistíochta a bheidh freagrach as gach cúram a bhaineann leis an mbonneagar cumarsáide, go háirithe an méid seo a leanas:

- (a) maoirseacht;
- (b) slándáil;
- (c) comhordú an chaidrimh idir na Ballstáit agus an soláthraí;
- (d) cúraimí a bhaineann le cur chun feidhme an bhuiséid;
- (e) fáil agus athnuachan, agus
- (f) ábhair a bhaineann le conarthaí.”

CAIBIDIL VII
FORÁLACHA IDIRTHRÉIMHSEACHA

Airteagal 47a
Comharbas dlíthiúil

1. *Is í an Gníomhaireacht mar a bhunaítear leis an Rialachán seo a bheidh ina comharba dlíthiúil i ndáil le gach Conradh arna thabhairt i gcrích ag an nGníomhaireacht Eorpach chun bainistiú oibríochtúil a dhéanamh ar chórais mhórsála TF sa limistéar saoirse, slándála agus ceartais, arna bunú le Rialachán (AE) Uimh. 1077/2011, a chur i gcrích, agus i ndáil le gach dliteanas is dlite di nó i ndáil le gach maoin arna sealbhú di.*
2. *Ní dhéanfaidh an Rialachán seo difear d'fheidhm dhlíthiúil aon chomhaontú, aon socrúithe oibre ná meabhráin tuisceana arna dtabhairt i gcrích ag an nGníomhaireacht arna bunú le Rialachán (AE) Uimh. 1077/2011 gan dochar d'aon leasuithe arna ndéanamh orthu de bhun an Rialacháin seo.*

Airteagal 47b

Socrúithe idirthréimhseacha maidir leis an mBord Bainistíochta agus na Grúpaí Comhairleacha

1. *I dtaca le comhaltaí, Cathaoirleach agus Leaschathaoirleach an Bhoird Bainistíochta, a ceapadh ar bhonn Airteagal 13 agus 14 faoi seach de Rialachán (AE) Uimh. 1077/2011, leanfaidh siad de bheith ag feidhmiú a gcuid feidhmeanna ar feadh a mbeidh fágtha dá dtéarma oifige.*
2. *I dtaca le comhaltaí, Cathaoirleach agus Leaschathaoirligh na nGrúpaí Comhairleacha, a ceapadh ar bhonn Airteagal 19 de Rialachán (AE) Uimh. 1077/2011, leanfaidh siad de bheith ag feidhmiú a gcuid feidhmeanna ar feadh a mbeidh fágtha dá dtéarma oifige.*

Airteagal 47c

Na rialacha inmheánacha arna nglacadh ag an mBord Bainistíochta a choimeád i bhfeidhm

Fanfaidh na rialacha agus bearta inmheánacha a ghlac an Bord Bainistíochta ar bhonn Rialachán (AE) Uimh. 1077/2011 i bhfeidhm tar éis [dáta theacht i bhfeidhm an Rialacháin seo], gan dochar d'aon leasuithe a dhéanfar orthu de bhun an Rialacháin seo.

Airteagal 48

Socruithe idirthréimhseacha maidir leis an Stiúrthóir Feidhmiúcháin

Ar feadh na tréimhse a bheidh fágtha ina théarma oifige **nó a** téarma oifige, is do Stiúrthóir Feidhmiúcháin eu-LISA arna cheapadh ar bhonn Airteagal 18 de Rialachán (CE) Uimh. 1077/2011 a shannfar cúraimí Stiúrthóir Feidhmiúcháin **na Gníomhaireachta** dá bhforáiltear in Airteagal 21 den Rialachán seo. **Ní athrófar coinníollacha eile a chonartha nó a conartha. Má dhéantar cinneadh maidir le sainordú an Stiúrthóra Feidhmiúcháin i gcomhréir le hAirteagal 18(4) de Rialachán (AE) Uimh. 1077/2011 a ghlacadh roimh theacht i bhfeidhm an Rialacháin seo, cuirfear síneadh leis an téarma oifige go huathoibríoch go dtí an 31 Deireadh Fómhair 2022.**

CAIBIDIL VIII
FORÁLACHA CRÍOCHNAITHEACHA

Airteagal 49

Athsholáthar agus Aisghairm

Leis seo, déantar Rialachán (AE) Uimh. 1077/2011 a athsholáthar do na Ballstáit atá faoi cheangal ag an Rialachán seo le héifeacht ó [dáta theacht i bhfeidhm an Rialacháin seo].

Déantar, dá bhrí sin, Rialachán (AE) Uimh. 1077/2011 a aisghairm le héifeacht ó [dáta theacht i bhfeidhm an Rialacháin seo].

Maidir leis na Ballstáit a bhfuil an Treoir seo ina ceangal orthu, déanfar tagairtí do Threoir (AE) 2015/1 a fhorléiriú mar thagairtí don Treoir seo.

Airteagal 50

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm ag an Rialachán seo ó dháta a theacht i bhfeidhm, seachas na tagairtí do OIPE in Airteagal 15(1)(w), Airteagal 21(3)(g) agus (h) agus Airteagal 45(1) agus (4), a mbeidh feidhm acu ón dáta a chinnfear sa Chinneadh ón gCoimisiún dá bhforáiltear in Airteagal (120)(2), an dara fomhír, de Rialachán 2017/1939.

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit i gcomhréir leis na Conarthaí.

Arna dhéanamh in/sa ...

Thar ceann Pharlaimint na hEorpa

Thar ceann na Comhairle

An tUachtarán

An tUachtarán